


啟雋類函近十八之二十



漢書門類			
四	八	二	〇
冊	架	函	號

內閣文庫			
三	二	〇	〇
冊	架	函	號

內閣文庫	
番號	漢 11400
冊數	48 (15)
函號	36 52



啓雋近體卷十八

類函三十

東吳俞安期羨長彙編

上饒王嗣經曰常同輯

晉安陳一元泰始訂定

宰相部


謝起官

謝李丞相啓

起官御史

宋 壺山

伏念某品流最俗位置素卑蚤歲受知不過言語文字之習中朝借譽亦惟米鹽金穀之長凡妄意於彈冠一歸功於推轂稍加顯拔積愧僥踰力不勝衣假以抨彈之任語難出口責其繩糾之忠將何尺寸之



能少效萬分之報獨少也講聞于師友謂此非閒慢之官曹方思敬王而與言豈敢量主而後入積誠未入寤意轉難狂若仲淹真負晏公之薦慙如蘇軾幾貽安道之危賴深知其無他非大過則不棄兩年玩愒一力保全竟坐非宜言之誅當得不可赦之罪左援之於糞粉欲謀爾以稻梁隱吏山中幾於響絕故人天上屢以書來據稿得眠者甚安飢蔬沒齒其何憾未湔舊戾忽被新榮將輸假粉部之光論撰峻木天之直無子駿所長之一技與君謨相望於百年寵踰晉吏之起家華甚漢人之上冢可仕可止亦了了

以奚疑不進不休乃卷卷而至此茲蓋伏遇某官擎天柱石醫國參苓防佞幸杜私門深入魚仇之禍抑詭怪暢皇極潛銷牛李之萌興念孤危久淪冗散逆鱗大罪金鷄已賜於赦除駕牡麓官木牛試資其轉餉所以寓衮職之補豈徒曰布衣之私第某三瀆是虞一出太驟上褻于名器下愧負於簡書有刺史之榮無刺史之難敢發郢州之歎知丈人之真愧丈人之厚空哦清渭之詩

謝兩府啓

起官登州

宋蘇軾

右軾啓蒙恩授前件官已於今月十五日到任上訖

者迂愚之守沒齒不移廢逐之餘歸田已幸豈謂承
宣之寄忽爲枯朽之榮眷此東州下臨北徼俗習齊
魯之厚迹皆秦漢之陳賓出日于麗譙山川炳煥傳
夕烽于海嶠鼓角清閒顧靜樂之難名笑妄庸之竊
據此蓋伏遇某官股肱元聖師保萬民才全而德不
形任重而道愈遠謂使功不如使過而觀過足以知
仁特借齒牙曲成羽翼其敢不服勤簿領祗畏簡書
策蹇磨鉛少荅非常之遇息黥補劓漸收無用之身
過此以還未知所措

謝蔡太師啓

起官

宋唐庚

始緣力請得返弊廬終賴仁私盡還舊物豈惟銘佩
亦復兢惶其屏迹累年無識面者闔門度日將終身
焉自收老大之心遂絕進陞之望未甘扶杖起居雖
健於管寧久矣飾巾志意自同於陳寔忽奉昭回之
蹟大推霧霈之恩舊惡宿愆一時蕩滌前侯故將以
次甄收顧惟朽鈍之軀屢費陶鎔之手終蒙記錄不
忍棄捐謂其嘗任宰司故優其班序謂其久安田里
仍處以虛閑就使自爲之謀想亦不過如此靜循其
本敢不知歸此蓋伏遇某官以王佐之才值聖人之
運將令四海盡蒙比屋之封肯使一夫獨掩向隅之

泣致茲衰退亦極寵榮食既愈浮寧有小言之補位
非所稱得無大耋之憂辭受之間莫知所措

謝丞相啓

被請起官
曾子可采

宋趙南塘

叨承存命俾真周行拜寵居榮省躬有愧伏念某叢
爾生晚癖於好修始初任子入官先人常撫曰可教
繼後進士獲選諸老或許之能文其詩書所踐者雅
言其冠服非涉於怪行粗持節義之戒頗習謹厚之
風無何時命之適垂廼以朋邪而坐斥一世藉躡幾
欲唾其姓名十年流離誰復齒於蹤跡悼本懷而自
歎分永棄以弗辭豈料雷霆之收忽開日月之照解

甘陵之錮黨聞者歡心還魯國之逐臣坦然直道如
陸沓之至賤亦波及於厚恩牽牛奪牛久置辨量之
外失馬得馬恍疑夢寐之間曾是妄庸有此僥倖此
盖恭遇某官佐王保極為國惜材竊觀數貸以幸愚
民肯忍一眚以廢良士謂贖越石者固待晏仲而學
庾斯者猶賢逢蒙固不汝瑕收為吾用寒泉未食已
見授於綆縻故壘可營終將依於厦屋感激圖報莫
知所裁

謝兩右相啓

起官

宋趙南塘

買田西郭久無願仕之心典奏南宮忽有為郎之命

忱剖弗獲祗拜若驚伏念某鈔槩陋儒衣冠退士歷
官至二千石那復言貧一第踰五十年即將告老尚
子敕斷家事翟公署謝交情尺書不入于禁城半席
惟分于樵舍非敢云世道未清而晦迹亦直緣體力
既倦而息心曾謂殘生乃逢今日威福之權歸主玄
黃之物別群江湖濯纓以待招阡陌扶杖而觀化衆
情胥悅固不在倚門而歌積疾頓瘳遂可以推枕而
起正塗若此其谷胡爲使抱關擊柝而猶榮况乘馬
從徒而加寵第量垂暮曷稱作新茲蓋恭遇某官砥
柱障流精金受鍊婁師德外若聞事明乃在中叔孫
通前未薦言效當驗後藐茲綸翳諒自挈維一飯必
酬敢辱大臣之知己片辭或謬稗愁列宿之笑人少
荅今休終還舊隱

謝丞相啓 起官

宋劉克莊

郡紱使華十年迭試朝班閤職一旦驟遷絲毫無蹊
徑之扳緣頂踵出廟堂之啓擬伏念虛名作從實踐
有慚周旋陳元方鄭康成之間恍緒言之猶記交懽
丞相平大尉勃之際非啞舌之所能粵從公府掾之
免歸長爲田舍翁而無憾然猶左符西泝單傳南馳
上察孤忠每欲赦虞翻之罪朝無死友居多讒韓愈

之人一招一麾屢起屢仆屬元台之提筆由散地而
駕輶發摘枝窮終匪當道理輪之手平安信遠不勝
高堂扇枕之情叩閣陳宜去之言席藁拜弗俞之詔
乃若升華班序寓直圖書曩梯登九天之難今帆借
一風之便謂孟博頃嘗出使慨然登車念楊雄久不
徙官老於執戟詎敢望此日翹閣之禮庶幾為異時
墓道之題向非吾相之猶天誰與鰥生而為地伏遇
某官衛武公之抑魯公儀之廉陛下諒其至公血誠
海內目為鉅人長德上道揆下法守國之所賴以永
存恩已出怨誰歸士或不知其密啓遂令枯朽亦玷
光華某將母不遑容身無所暴子蒙繡斧之遣豈不
貪榮賀監以黃冠而歸終期得請

謝丞相啓 起官
參閣

宋劉克莊

奉親還里自酬烏哺之私被命造朝早綴鵷行之末
奔馳就列俯仰懷慚某學荒于嬉年邁而往書無成
而劔又去掉少日之狂圖道不修而文有名犯昔人
之深忌頃懲飛語盡掃空言時於斷簡以研尋稍見
高賢之旨趣愛令伯陳情之表流出胸中喜淵明歸
去之詞寫諸坐右豈圖晚景忽際休明雖遣巫咸而
下招其如太史之留滯猶著朝籍且參闈謀好事擲

揄已有移文於逋客故人規祝願無圖利於大夫迨
茲將暮之移亟有祠庭之請蓋鶴髮久相安于半菽
而鷦巢止願借于一枝乃念衡泌之栖遲以示朝廷
之收拾谷鶯初出恍驚遷木之榮海燕斲來深認卷
簾之處非上相適奮庸于廊廟則孤生終必老於山
林伏惟某官以帝者師爲天下宰更聖化於膠柱不
調之後還主柄於太阿倒持之餘進君子退小人每
致巖禾莠之辨開誠心布公道亦不廢草茅之言遂
使畸人忝陪髦士某受知至此圖報茫然雖資以事
君粗識移忠之大義然不遑將毋終希錫類之深仁

代林秘丞謝丞相啓

被謫得
量移

宋李 劉

老而妄動自速煩言罪以疑輕尚沾微祿重惟疎謬
倍費保全戴洪造之難名撫孤踪而增感伏念某狷
弗諧世慙獨愈人少而耻有道之賤貧妄希干祿壯
始悟不義之富貴亦足辱身固嘗把江海之麾惟不
願冰山之倚甫違繒繳便入林泉自量叔夜之不堪
任笑仲連之強作自屠羊之反肆卽殺馬而毀車誰
誤聽聞忽加拔擢抗辭有罪引疾爲欺冒然扶憊以
奉承識者逆憂其顛沛清班難僭顧再轉而爲丞素
行久愆非一鳴而輒斥旣云欺世安所避刑竊鈇無

往而非疑聚鐵不容於鑄錯乍賢乍佞身已變於三期偽行偽言誅何逃於七日投荒已幸續食謂何豈老芋之似茯神元非罔市而遠志之爲小草失在出山伏遇某官云某仰銜厚施已迫頽齡斗升之活波臣固貪舊物七十而致君事正在新年與其身後重作偽之愆不若生前瀝祈哀之悃澗愧林慚之無盡悔不可追鐘鳴漏盡而不休行將焉入得反初服實仗大鈞小人之過必文何嗟及矣君子之愛以德願卒成之

謝王丞相啓

起嚴川

宋陸游

故里浮沈竊玉局再期之祿公朝拭付桐江千里之民瓜戍非遙竹符甚寵感淪病骨愧入衰顏某頃自吳中久留劍外顧彼衣冠之所萃頗以文字而相從方深去國之悲敢有擇交之意流偶殊于涇渭風自隔于馬牛睚眦見憎本出一朝之忿排擠盡力幾如九世之讎藐是羈孤孰爲別白縱免投荒之大罰亦宜置散以終身且定遠未歸惟望玉關之生入輕車已老猶護北平之威秋豈有朝爲閭閻廢斥之人暮竊畿輔承宣之寄茲蓋伏遇某官學窮突與勳塞堪輿南山巖巖冠公師之重任赤烏凡凡同宗社之

閔休念人材之實難悼士氣之不振延陶至廣收拾
無遺方與物以皆春憫向隅之獨泣爨和輿論濶略
彛章起安國於徒中較恩未大還管寧於海外爲力
尚輕而某少非列于通才晚徒專於樸學棄雞肋而
猶惜雖仰戴于深仁續鳧脛則自悲恐難逃于薄命

代外舅謝丞相啓

起官

宋真西山

上印歸田已就休官之列賞功試邑遽陞元士之班
不自意于退閑尚微榮于採錄恩惟天造感極涕零
某忝紹熙太學之諸生涵慶元奉常之一第自徒勞
於州縣顧何有於智能妄學絃歌丁時凋瘵以官民

之交病將革弊端若穀祿之不平孰爲仁政新版籍
於片紙不存之後復經界於歷年久廢之餘精神方
耗於一身怨謗已騰於衆口逮小綴觚稜之蹟而泔
分江海之麾除日雖頻駭機俱發青油談笑暫容覓
句于杜陵烏府紀綱又俾掛冠于神武歸逃空谷細
數流年朝拄笏以看山暮脫巾而漉酒欵乃和漁翁
之唱窅窅聽桑婦之歌得與幸民共陶聖化俄墜濕
鴉之宇下流羅雀之庭謂二九年前首效均賦度田
之役於十一人後可無賜褒增秩之恩遂令還_之餘
亦拜衍租之寵丘山施重淵谷懼深恭惟某官躬不

世出之資佐大有為之治杜群枉開眾正將馴致於
太平恢長治建久安以坐銷於外侮惟公則無所不
取惟大則自能有容必能起斥逐以風四方詎肯守
拘攣而廢一士其宦情已薄爵齒未盈托鏡頻看敢
仍有功名之志踞鞍自請幸庶幾躩鑠之翁或可以
使過而使愚亦粗能效忠而效死收桑榆之短景倘
容吹晚節之薌出芝菌于枯株重有賴大鈞之賜

謝丞相啓

起官

宋劉克莊

趣裝就道方趨君命之嚴有列於朝並領軍諮之任
恩歸廊廟喜動庭闈伏念某忝出故家常從薄宦少
日妄希干節士中年遠避于弋人余處幽篁分此生
之未棄焉得諉草聊暇日以忘憂雖絕望于華塗猶
守死于善道屬者冰山摧而杲日出沙堤築而台星
明交壁帛于道塗委弓旌于巖穴有盍歸之二老無
難致之兩生病客夢回初聽鈞天之奏纍臣魂斷忽
有修門之招未呈身于政事之堂已策名于表著之
地而况福莆接壤參佐祿優禹錫母子可以俱行尚
平婚嫁可以漸畢惟昔脫烏臺之禍盡出生成矧今
辱黃閣之知不由紹介受恩罔極取數過多茲蓋伏
遇某官獨秉國鈞載調化瑟樂克得政善人咸願其

有爲楊綰當朝天下云胡而不喜已並致臺菜之產
猶不遺菅蒯之材某稽首鈞陶委身塊土成書無日
空嗟太史之滯留懷贄有年終望周公之吐握

代謝宰執啓

起廢漢州到任

宋周必大

浪迹江湖竊慕散人之號疏榮觀闕驟分刺史之權
戴橐籥之恩深愧綰壘之量溢伏念某起家寒甚與
世遭如粵襍被于栢庭向剖符于桐水雖賴洪鈞之
播物豈期曠弩之射人盖由所領之邦適治無辜之
獄倘使曲加文致稍甘使者羅織之心其如妄起事
端將失朝廷寬平之意未容投劾俄已汰歸幸公議

之甚明在私情而何憾一丘一壑方且優游三沐三
薰忽蒙湔拔爰從家食復畀州麾朝引綬而示故人
夕飲冰而問前路既賴滌瑕之施詎辭叱馭之勞舟
車幾萬里之遙寒暑涉三時之久捫參仰脅固知蜀
道之難見日舉頭尚覺長安之近况此土風之美居
然民俗之淳江山雖岷浙之殊郡縣實漢唐之舊誤
叨共理殊愧空餐茲盖伏遇某官道可覺民忠能致
主納誨而輔台德巨川資舟楫之功以智而爲帝謨
元首賴股肱之喜泰符愈渙巖石增隆俯憐椶闌之
小材曾是門闌之舊物故推涓滴以活焦枯某敢不

右集卷四 卷一
深察吏謾勤求民隱布垂政惠實慙王濬之風安輯蠻夷尚效子嚴之治

謝丞相啓

起吉州通判

宋劉克莊

送窮無路遂至顛天起廢佐州且爲擇地光生里巷恩出廟堂其少也不才長而無述侍察父哲兄之側非不漸濡慕善人君子之名亦思矯揉終以操修未至毀譽莫調身久落于江湖謗常宣于朝市賢者不與品量爲浮薄之歸文人相輕倚撫及語言之末云云負郭無田所仰給者代耕之祿小人有母宜見憐於孝治之朝然上公之機務至煩且下忝之姓名難

記豈圖英晤曲軫沈淪嗟谷底之寒荻回筆端之春意昔投閒宜散已行白簡之言今悔過知非復畀青氈之舊寵以治中之近次處之江右之名邦捧除日以兢榮拊孤踪而感涕恭惟某官勲藏盟府澤被生民持國論如權衡之平愛人材無管蒯之棄並收髦俊皆有猷有守之倫尚恐逸遺開使過使愚之路終慙玷缺倍費陶鎔某末戴洪私益堅素守攀鱗附翼固無奇偉之功騎虎捋鬚頗習艱危之事

謝丞相啓

起潭州通判

宋周必大

鍾陵起鎮畏貝錦以辭行楚甸分麾還青氈而假寵

上恩山嶽孤跡淵冰竊念其久矣貪榮幾有患失積妨賢於政地紛召怨於周行向非仰恃者天且有陰爲之地自應竄斥敢望全存何期頻歲之間疊拜除書之下湘波浩蕩許以承流奎殿穹窿容其通籍固出聖神之眷寧無培植之功茲蓋伏遇某官致主勲高經邦道廣雖榮歸於故里每軫記於陳人諒因入覲以嗑枯遂藉裏言而起廢然某年齡已暮政術可知備孟子達尊者三尚復爲臣之致况孔戣宜去者二敢當自助之留姑少副于宸衷卽勉追于賢躅庶無負平日高山之仰亦不辜異時流水之知感詠交

懷敷陳奚罄

謝宰執啓

摘錄頌德自叙

宋趙巽齋

伏遇某官功被生民道侔元化歷變履險孰名旋幹之功出神入天自集和平之福尤謹樞機之發不遺簪履之微故雖當坐以待旦之時尤俯記窮則呼天之語若非洪造曷保餘齡某敢不銘在寸心誓堅晚節成其終成其始既有賴于乾坤全而生全而歸當無慙于父母

代謝丞相啓

摘錄頌德自叙

宋李 劉

恭惟某官手麾九日太陽行黃道之中坐鎮八年萬

物荷洪鈞之播雖風霆不言流形之利然天地能照
許國之心晉卿之舉七十家不遺筦庫祐甫之除八
百吏皆是舊知冒焉而來恃以無恐某敢不靖共爾
位洗濯其心却日揮戈收效在桑榆之景消辰擁篲
奉身歸桃李之門

謝宰執啓

摘錄
頌德

宋李 劉

伏遇某官棟桴九廟坯冶萬殊少保茲惟三孤獨任
兩儀之寅亮冢宰掌建六典並收四海之賢能惟俊
又宜在于旁招何巧拙亦容于難進曲念一門之父
子甚如異姓之弟兄輔翼之振德之不遺餘力吹噓
是披拂是倍費元功

謝執政啓

起徽州
到任

宋汪 藻

誤膺明詔擢領偏城地接行朝蓋今日股肱之郡世
聯編籍乃平生父母之邦起廢恩深叨榮愧甚蓋念
某一從去國十見周星投迹異州誰復過門而問字
疲精斷簡徒知仰屋以著書敢圖三錫之餘乃假一
麾之便遵途浹日入境班春城郭重來疑十載去家
之鶴交遊半在或一時同隊之魚退省憫然曷爲臻
此惟蟠木離竒之爲器自大鈞塊坳以無垠茲蓋伏
遇某官間世真儒中興名相坐籌帷幄收四方人物

之英端委廟堂復萬載輿圖之業俯怜衰朽久遂退
藏爰力挽于江湖俾再臨于民社尋童子釣遊之處
雖就榛蕪望先人丘墓之墟已寬鑑寐幸士思之粗
慰宜民瘼之深求某敢不專務撫循仰分憂顧褰帷
問俗姑榮衣錦之歸上印還家終冀揮金之樂

謝王丞相啓

起官

宋羅

願

故里浮沈竊玉局再期之祿公朝杖屨付桐江千里
之民瓜戍非遙竹符甚寵感淪病骨愧溢衰顏伏念
某元祐黨家紹興朝士池魚灑澗本思自放於江湖
社櫟支離久已難施於斤斧繇治生之素拙因從宦

以忘歸頃自吳中久留劍外顧彼衣冠之所萃頗以
文字而相從方深去國之悲敢有擇交之意流偶殊
於涇渭風自隔於馬牛睚眦見憎本出一朝之忿排
擠盡力幾如九世之讐貌是羈孤孰爲別白縱免投
荒於大罰亦宜置散以終身且定遠未歸惟望玉關
之生入輕車已老猶獲北平之盛秋豈有朝爲閭閻
廢斥之人暮竊畿輔承宣之寄伏遇某官學窮變與
勲塞堪輿南山巖巖冠公師之重任赤舄几几同宗
社之閑休念人才之實難悼士氣之不振埏陶至廣
收拾無遺方與物以皆春憫向隅之獨泣爇和輿論

濶畧藝章起安國於徒中較恩未大還管寧於海外
為力尚輕而某少非列於通才晚徒專於樸學棄鷄
肋而猶惜雖仰戴於深仁續鳧脰則自悲恐難逃於
薄命

代謝丞相啓 起官

宋李 劉

貧累清時許守漢倉之粟老須遠次忽臨齊戍之瓜
此恩夙出於大鈞於義宜伸於小牘伏念某身勤事
左意廣才踈家世占寶唐之濱學問皆環溪之訓少
而有志頗欲就博習修潔之科壯則無奇亦屢玷德
行道藝之貢歲不我與命與謀仇烏帽黃塵凡五排

於禮部青衫白首又兩進於計臺終然蹉跎成此遲
暮漫作兵厨之隱聊為簿竈之依青天鳥道之拊膺
雖嘗奏辟白水魚竿之入幕何敢疾驅如此頭顱淒
然脚色奚敢作堂除之夢猶難于京甸之除時方張
更化之絃公實權造化之柄冒為冶躍便辱甄收使
守九年之儲令待四政之闕櫨梨橘柚大非老人所
種之宜構櫨侏儒偶在宰相兼收之列聊裝鋪席歸
老林泉不謂俟河之清乃成縮地之脉洛中親舊書
傳犬耳之黃吳下官曹事報烏頭之白僮奴欣怪里
巷驚疑高下在心只合避賢者之路進退維谷反恐

負相國之知尚堪一行不遠千里然非恃無垠之塊
北亦寧免將進而趨超恭惟某官清任以和直方以
大手麾九日太陽行黃道之中坐鎮八年微物荷洪
鈞之播雖風霆不言流形之利然天地能照許國之
心外撫四夷內熙百度收毛髮絲粟之細入竹頭木
屑之藏晉卿之舉七十家不遺筦庫祐甫之除八百
吏皆是舊知冒焉而來恃以無恐某敢不靖共爾位
洗濯其心却日揮戈收效在桑榆之景消辰擁篲奉
身歸桃李之門

江西到任謝丞相啓

謫官初起
到任可采

宋陸游

詔行在所方承命以北馳駕使者車復改轍而西上
訓詞甚寵地望加優本宜使之省循及更增其僥倖
伏念某性資鄙陋學問荒唐雖慕長者之餘風豈聞
君子之大道早親函丈偶竊緒餘曾未免於鄉人乃
見待以國士知憐覆護殆塵沙曠劫之難逢頽墮摧
藏無絲髮微勞之上報昨者甫還吳會即使甌閩趨
躡既多便安猶極徒以久違於公袞悵然願事於師
門山川間之日月逝矣方坐馳於夢想忽祗奉於詔
追深惟幸會之非常但懼奔馳之弗及夫何竒蹇更
累生成方仇怨造言投鼠不思於忌器乃保全極力

舍牛窻廢於爨鐘此蓋伏遇某官偉量包荒深仁篤
舊念招之來而麾之去若匪近於人情謂舍其短而
取其長猶可勝於官使故推餘潤以及枯荻而其筋
力疲於往來疾恙成於憂畏質疑問道自憐卒業之
何時訟過戴恩尚冀收身於末路

謝呂相公啓

起南
駕部

明唐順之

五雲多處是三台時懸瞻望廿載歸來占一壑久曠
起居雖相公大度不責禮于山林懶散之人而廊廟
掄才乃借譽於樗櫟朽腐之士近承部檄車駕南兵
白鷺洲邊校龍綱之習闢朱雀桁上閱象路之飛塵
亦是壯遊豈惟官守始願不及置身久混漁樵非人
所能造命一由君相顧以久纏疾疢外彊中乾回望
闕廷心長髮短強欲曳婁而從事終虞鞭策之不前
謹布鄙衷伏希台照

謝申相公啓

起福建
提學

明王世懋

職伏奉明旨起用以原官提調八閩學校即日就道
已于十二月二十四日赴任訖職雕蟲小才無稱鄉
曲駑馬頓足自放林丘當相公秉軸之辰正病夫掩
關之日塵埃已識豈忘杯酒之慇懃木石與居遂斷
門庭之却掃青箱舊業已其五十無聞黃紙除書何
意再三來下茲遇相公閣下忠猷天植汪度淵淳以
威福還一人以公論歸四海若明鏡之照物妍媸不
係于親疎如大匠之掄材去取無分于巨細遂使東
山賤士不顧採薇遠志虎名易為小草職感恩雖切
造命難酬惟有為天子而作人即是報相公之知己
俯循薄尚業已矢清白而自期仰體純衷不敢藉玄
黃而為獻維天子有道能用斷斷休休之臣願相公
無權求底蕩蕩平平之績職無任云

代父謝內閣啓

起廢易州到任

明馮琦

竊惟六條察郡國在十使為最先三輔衛京師視諸
道為尤重忽茲塵黜實出陶埏量已滿于飲河恩實
同于酌海伏念某賦材駑鈍遺世休明驅馳障塞者
數年竄伏蓬蒿者九稔比緣廷議復齒官評不辭州
縣之勞人為有廟堂之知已四載之內三遷其官業
已還其舊階又復移之近甸接聯狐塞控帶龍沙愧

鎖鑰之難堪去輦轂而甚近况兒某叨陪于講席而本職參列于邦畿濡沫相依音塵易達私情既遂于烏鳥美秩兼得于熊魚使自為謀何以過此且兒輩之知遇在未鳴未躍之前而本職之甄收當既顛既蹟之後兩世之遭逢已極二天之高厚難酬北望燕臺既收駿馬之骨西臨易水寧忘烈士之心敢不勉思末路之難長鑒東隅之失與吏治于按部飭武備于當關適此時和而年豐仰台相調燮之賜庶幾政平而訟理布朝廷寬大之條

代謝相公啓

卷親起官

明董應舉

十年在告遂其將母之私屢迫起家予以便養之地盖昔治平之君相不枉人子之至情役焉必念其所生見於詩書之詠榮焉而及其自出類有曠蕩之恩如某者學本迂庸少嘗孤苦和熊畫荻雖奉此以獻身而獨子老親實相依而為命昔幸控辭之見聽久若縻爵之可忘心豈有他情實難已何圖隱念上累曲成優以豐芑之舊都寵以詞林之新命潘輿在御不異階庭江水可甘無殊風土且或寅緣于國慶得以自致于慈顏依然子母之歡無廢君臣之義以斯之遇即古亦難伏惟師相閣下至心錫類顯業孚先

卷十八
恥此函蓋之中物或失所連彼茹茅之衆遐不有遺
故此誤恩及於不肖丁寧就道勉戒出居必處以天
性之所安以誘其進趣之後念使出無煩於陟屺論
不待於翩離此已刻骨之深知更祈覃恩之大造苟
邀寵命一耀衰年便是夾日之餘光成此加心之盛
典其爲感激曷有分涯遙望五雲却憶金華之舊事
特將雙鯉上塵玉案之清暉不晦者心難名者德某
不勝云

代謝相公啓 終養起官 復被覃恩

明董應舉

竚牘上陳衮言下被寵踰其分勞施所生念某幼失

先人獨依老母舊書在篋傷鯉訓之早違斷杼警心
比熊丸而特苦幸從簪紱可發幽潛顧以慵病之軀
自棄林泉之下計資則未登一考報德則空有寸心
意終負於乾坤乃曲成於陶冶田間促起猶及覃恩
泥檢新街復邀特疏使不肖積曠之罪忽掩於一朝
二人明發之懷頓宣於九闔此非閣下之至仁錫類
大德加心安得借某於常局之外便某以人子之私
君寵親恩誰爲造就戴天履地並覺高深更想溫益
之懷出於撫諭之外姪某及諸縉紳傳宣至意過辱
知尤若推之國士之列若貯之夾袋之中得寵若驚

莫知所以夫特達相知厥惟臭味高明所照必絕等
倫如其迂愚兼之踈懶既不能分憂當世仰佐下風
又不能勵志玄脩俯儀末俗私心循省無一可稱默
計譽瑕皆有可督何以湔除積朽翻作深知將由督
念遺簪曲爲采飾非常之感豈獨此生而已其敢不
勉加鞭策痛自濯磨報荅恩私恃有緒餘之訓庶幾
夙夜毋傷知人之明

謝王荆師啓

終養起復

明唐堯欽

某智乏通方學慚弗類幸習聞大賢之教遂策名明
主之庭頂踵皆入陶成絲髮未殫愚魯顧獨念雙親

景迫冀諧一日之歡不自意二豎災生長結終天之
恨抵家公載經紀六喪摧骨崩心幾無復存人世之
日枕流漱石豈有尚戀主闕之思萬念都灰尺牘總
廢蓋非不聞受大恩而弗知報當犯不忠不孝之譏
實則遘奇難而際斯時甘蒙自暴自棄之罪乃姻戚
朋遊忘其不肖日催迫以登途竟朝夕寢餐靡克自
寧時倉皇而就道位可倖致事有會逢偶值菲採之
期謬廁茹連之選一言罔裨聖世媿厓分之已逾十
稔篋跡師門思罪狀乎何鮮然某伏念叔世尚有不
伏謁恩主之人昭代豈無不口謝夫子之士嚮當江

陵炙手可熱之日奪情登第絕隻字以相聞獨幸禮
 部掉頭不顧之時抗疏陳情賴中流之尚在方今忠
 良復用政治惟新天下日以肖象之良侯志於夫子
 夫子斃以靈根之痛茹戚於故鄉事盡禮葬盡誠式
 副三公靡易之願濟用舟旱用雨能忘偶王在實之
 心恭惟老師台下一世儒宗百代王佐識不識誦司
 馬歐陽之復生用未用上熙寧元祐之攸判時則可
 矣適應公來自東之期道之行也行端王置諸左之
 任伏惟為宗社珍護棟樑為人文培植山斗愛生者
 慰死者仁人能成其親老安之少懷之孝子永錫爾
 類如某鹿鹿即乏短長之效以荅至仁勉自兢兢亦
 不并心汗賤貽羞同志倘蒙憐其迂拙之素示以嚮
 往之途固戀主之野賓而迴眸之跋蔡也

寶惟字履之號志長帝城之近萬人如海易之風波
 千里為義難防機非東瀛始放於慈府察則或稔於
 爾皆倘非爾朝有心腹可告之緣未克憂濟有血脈
 不通之嘆如某者幸登五薦之負蓋誰一同之寄
 寄百刻資了...

復用政治惟新天下日以富象之良侯志於
夫子覽以靈根之痛始賦於故鄉事盡禮葬
副三公難易之難濟用舟旱用雨能忘偶王
恭惟老師台下一世儒宗百代王佐識不誠
謝文余固戀主之理實而國報之如蔡也
不其以我類頌蓋同志尚棠對其我出之素示以
朕咬其強與唱之豈其之效以答至三嘆曰

改官謝宰相

謝丞相啓

知縣改官

宋劉克莊

脫選調而升階昔依袞座懷邑童而往戊今近鈞墀
自憐衰暮之踪巧出生成之造澡身修敬拜手陳情
竊惟宰綬之難尤甚帝城之近萬人如海易赴風波
千里為畿難防機穽束濕殆成於怨府察淵或稔於
厲階倘非廟朝有心腹可告之緣未免臺府有血脉
不通之弊如某者幸登五薦之負盍就一同之寄冒
當類劇貪近熒煌未閑吏事曷稱民庸今既老不如
人力有同於燭武况非學而入政寧不類於尹何是



猶懷下吏之私未及慮上官之責蓋使輅鼎立好惡
難齊而帥府天高趨承易失使非比震風之屋賴以
鳴琴雖欲浮載月之船戛乎全璧歸投橐籥假借幘
幪恭惟某官夾日元勲擎天柱輔雖極旂常之貴不
遺居楔之材遂使下僚亦蒙英盼綬墨生塵方卜戒
行之吉官緋及格尚拘莅事之年舉此細微知其躋
蹬望平津之三館雖難必於此時爲陸相之一莊尚
有期於他日勉思鞭策仰答陶鎔

謝丞相啓

改官

宋劉克莊

伏念某出自羈單進非科第衆諳時務獨膠古誼以
不通世重實才乃抱空言而求售頃爲閩屬偶在兵
間未嘗有臧官馬武之心不過任陳琳阮瑀之事方
邊頭之告警草檄居多及江上之解嚴拂衣徑去力
求南嶽歸養北堂每云臣罪之當誅敢諉吾謀之不
用旣草遂初之賦其事退藏未修光範之書先蒙軫
記起閒散而參油幕拔卑冗而通金閨返屈原憔悴
之魂免史談留滯之歎名爲銓法實在化鈞茲蓋恭
遇某官新美治功秉持憲度更化而後始知本朝之
尊過江以來未有今日之懿其心平故待人恕其量
廣故容物多雖已汰歸竟叨拈出某敢不益鞭退惰

少盖拙踈講學讀書懼大邑大官之謗恤民奉法報
吾君吾相之恩

謝僕射相公啓

改官

宋周必大

黃本讐書已濫巾於秘府赤墀拜秩更寓祿於審官
省功狀以蔑如承命書而愧甚伏念某掖衣自奮
線何施欲扞塞乘邊初乏蹶張之勇將圖功慮事顧
微心計之優其為盛世之腐儒勉蹈古人之陳跡
峩鴈塔昔聯千佛之名窈窕麟臺今接群仙之武猗
無薄積祗有厚顏鷓躍蓬蒿竊自安其小大鳧飛渤
澥迄何繫於少多茲參滿歲之文越進在京之秩雖

云極陋敢昧攸歸此盖伏遇僕射相公該輔簡乎帝
心奮庸乎人望有伊尹之一德上格皇天抵成周
之大寧旁求多士肆容平進例獲次升其敢不仰服
官榮俯安職守念無功之可錄幸一進階誦有德之
必酬願三致志過此以往未知所裁

謝宰執啓

改授
教職

宋周必大

文場被選已慙崔氏之美莊鬢舍充負復近鄭公之
道德星言命駕晨入它宮欲陳一介之愚盍致小夫
之牘伏念某最為魯鈍加以墮慵孔思周情大固莫
窺於聖域班香宋豔小猶未造於詞林安能繼舊學

以成家但欲誦陳言而干祿豈謂甫紆青綬遽麗丹
書念顛頓之如斯悵功名之安在家同揚子乏擔石
之儲而晏如貧甚莊周得斗升之水而活耳敢期推
載力與噓枯假留都訓導之官食聖世優閑之俸駑
馬力殫于十駕何千里之敢思鷓鴣自託於深林顧
一枝而甚足此蓋伏遇某官溫良而剛毅廣博而粹
純羽翼聖經起千年之絕學範模士類振一代之脩
名徊翔姑挈于荷囊調燮卽參於槐路以推匹夫納
溝中爲深耻以哀王孫出跨下爲仁心遂致鯁生亦
濡鮒輒某謹當感深知而次骨省厚幸以捫心鐘響
豐山何止効喬潭之賦舟清渭水更當陳白傅之辭
過此以還未知所措

謝史丞相啓

改官

宋李 劉

幹茗事於番禺妄求易地贊漕輸於湘浦竟辱回天
俾依青草之湖庶免黃茅之瘴此恩渥甚何感如之
伏念某樸學無竒散材不腆踏槐半世幾隨兔目之
黃采藻十年似守烏頭之白偶叨終秩未及問鈞五
嶺聞其皆炎初無去志諸公憐其獨冷誤有辟書元
戎欲處之油幢之中真宰遂寘之茗寮之末等勤大
播徑合疾驅惟是孤筴之蹤寸勇尺懦實聞疫癘之

地十室九空率爾陳情期於避禍媒身無策難空冀
北之士夫換骨有方乃綴湖南之賓客獲避飛鳶之
跼姑從檣燕之留茲蓋伏遇某官秉國之鈞熙帝之
載更政化當更之琴瑟續聖賢難續之鼎彝益贊禹
而格苗誕布舞干之化尹相湯而伐夏迄垂典寶之
書然猶耻溝中之推必欲濟天下之溺印趣銷而趣
刻足昭從善之仁衣改造而改爲益表好賢之意其
敢不敬其可願欽乃攸司綠水紅蓮已感移栽之惠
青芝赤箭尚希並蓄之恩

謝復官

謝裴相啓復官

唐劉禹錫

某啓某遭罹不幸歲將二紀雖累更符竹而未出網
羅親知見憐或有論薦如陷還潭動而愈沈甘心終
否無路自奮豈意天未勦絕仁人持衡紆神慮於多
方起堦淪於久廢居剝極之際一陽復生出坎深之
中平路資始通籍郎位分曹樂都喬木展舊國之恩
行雲有故山之戀姻族相賀壺觴盈門官無責詞始
自今日禽魚之志誓以死生草木之年惜其晚晚章
程有守拜謝無由瞻望巖廊虔然心禱

謝宰執啓 復官

宋周必大

罪如山積方置散於窮鄉恩自天回遽叨榮於邇列
 撫躬何以得此承命不知所云伏念其學不造乎古
 人性難諧於世俗頃從踈遠誤辱明揚幸得陪兩省
 論議之餘亟欲報千載聖神之遇雖知進未能知退
 每懷據疾之憂然守道不如守官姑盡挈瓶之智慮
 無一得技已五窮逮聞禍發於駭機始覺身危於累
 卵屈從薄責仰荷洪仁懲沸吹蠶一飯敢忘於往咎
 看山拄頰終身已分於長閒不謂孤蹤驟蒙渥澤釋
 其罪罟寵以恩綸此蓋伏遇某官奮庸上宰允迪大
 猷絕朋邪以開衆正之門拯陷溺而與自新之路謂
 觀過各於其黨或公論之可申顧於人無所不容豈
 一眚而遂廢有如疵賤亦與甄收謹當欽佩訓詞恪
 守名節參西清之鵷鷺已容叨昧於明時挂神武之
 衣冠尚覬矜從於他日情之所感言不能文

謝諸府啓 復少

宋周必大

疵瑕久積灼然復玷之難造化密庸倏若轉圜之易
 倍極輪困之感孰窺塊北之垠伏念某資稟凡庸仕
 塵顯美居不思於特立動或蹈於妄行言路糾繩殆
 盈百謫宸衷涵覆止削一階未蓋前愆已仍舊貫茲

蓋伏遇某官道高遂古勲在皇家心同稷契之忠時際唐虞之盛好善優於天下何區區樂克之強若已納之溝中美切切商衡之任助聖明之篤舊開老退之圖新遂使里居獲刊罪籍班通九棘阻瞻槐位之尊身托一枝自幸林巢之穩其為佩荷罔既敷云

代謝丞相啓

復官○邊帥可采

宋

邊防盡瘁久無可紀之功廟論憫勞驟復已鑄之職銜恩至矣圖報茫然伏念某昨為牽撓之師庶伐跳梁之計徼功深入雖由偏將之輕指蹤不明亦是中權之失既席藁引曠官之罪尚奮拳勵討賊之心勉

吏士以功名作民兵之勇氣始因城而陳金湯據險以莫窺及仰寨而攻矢石乘高而並擊寇猶在境身自督軍但知竭許國之丹心不敢顧倚門之白髮我師氣奮將四面以窮追彼衆謀知乃一宵而潛遁蓋却虜乃廟堂之筭而平淮皆將士之勞某材不足以分北顧之憂功不足以救東隅之失親年晚晚每於色養以多違衆口紛紜動以空言而責備屢屢請優容於閒散汔煩當軸之保全還學士之清班出上公之洪造茲蓋伏遇某官訐謨闕大德量崇深謂天下之才實難察闔外之事匪易崇文平蜀由黃裳方援於

中充國擊羌賴魏相獨是其說若國論不爲之宗主則人情何自而奮強假復玷之新榮圖折衝之來效其敢不益殫薄技少塞厚恩方丞相憂邊安敢惜馳驅之力然小人有母冀終憐其旨之情

謝丞相啓

復官

宋真德秀

七年去國未滿丹筆之汗一氣轉鈞盡復青氈之舊嗟敷有自銘刻何窮伏念某猥以迂愚蚤緣際遇演綸載筆曾微潤色之長予節分麾蒞著循良之效頃繇次對徃牧長沙當嗣聖之作興先群賢而收召入奉燕門之對回借天顏願殫鯁諤之忠少裨時政徒效草茅之言事媿非俊傑之識時不知裁之亦已踈矣罪如韓愈蓋貶朝陽之八千仁若夷吾僅奪駢邑之三百歸尋荒徑甘老故山身雖困乎蒺藜心常傾於葵藿俄墜濕鴉之字下臨羅雀之庭謂東朝講稱壽之儀方深霈澤念北壠有投閑之跡亦與原情既還奎閣之班更賦珍臺之秩顧茲冒寵疇實主盟

覆奎閣之班更頰命臺之赫爾茲昌竊謂實主盟
請之謝太采靈巖念此艱首外開之視亦與京前理
外英藟如聖烈蘇之字干調羅善之致階東博藹孫
之三百龍奉荒野其共姑山良難困平燕燕以常則
突罪吸韓愈蓋頭臍則之人干二昔夷吾對奪提邑
郊草菜之言事賦非對對之端却不味燕之亦日觀

啓雋近體卷十九

類函二十一

東吳俞安期羨長彙編

上饒王嗣經曰常同輯

宰相部 十七

新都洪士英汝含訂定

謝辟薦

謝相國京兆公啓 辟薦

唐李商隱 代河東公

某啓今月某日得當道萬安驛狀報伏承遣兵馬使
陳朗賫幣帛鞍馬辟召小男者未敢尋盟遠茲聞喜
遐瞻關闔恨乏羽毛伏以自有縉紳誰無交結朋友
不全素諾在古殊多父子同受深知當今罕見豈期

令德圖於所難男珪曾未成人纔沾下第辨仲謀之
菽麥雖則有餘况安石之芝蘭竊將不可忽依太府
便厠英僚東吳之哈恐自此始西園之讌未知如何
此皆相公以其謬接藩維久依繩墨克隆中衷之信
將酬事大之心不然則安得按童子於舞雩禮諸生
於白社身枝獲慶城府知歸感激恩光丁寧教誡未
言銘鏤尚昧端倪伏俟簡書來至弊邑則專請張覲
評事奉啓狀申陳慕義無窮措辭莫盡攀附惶戰不
能究陳

謝京兆公啓 辟薦

唐李商隱代

某啓散兵馬使陳朗至伏奉榮示兼奉公牒伏蒙召
署攝成都府參軍充安撫巡官者師襄鼓缶或近翫
人和氏搜珉能無驚物跪受高命莫知所裁某藏豹
不豎雕龍未巧徒承庭訓遂厠人曹比衛家之一兒
天懸鵬鷁望鄴中之七子風逸馬牛已忝決科敢思
筮仕伏惟相公以仁義禮智信為基構用温良恭儉
讓為藩籬堯時則業貫夔龍殷代則道符尹說入秉
文教出耀兵權揮神鋒而劍合陰陽述雅誥而筆開
造化况天有井絡地稱坤維控三巴百濮之雄帶南
詔西山之險人稱輿府帝謂殊藩固已廣集豪英用

資參佐玳簪珠履綠水紅蓮成藉藉於淮山致憧憧
於燕路若某者徒將慕蘭何足望回又安敢拂其塵
埃加以冠履伏思相公直以大人頃居班列獲奉恩
私羅照乘於驪淵覬歸昌於鳳穴未見其可處之不
疑曾不念木朽石頑雕鐫莫就榆瞑豆重性分難移
古人所以有以榮為憂受恩如敵斯言之作珪也有
焉今月六日辰時輒奉辟書具聞晨省仰承嚴旨便
定行期而又內奮弟兄外誘交友傳翼類虎生角如
麟事誠寔於顯榮勢莫知其報効尚須旬日方拜旌
旄唯當洗心為齋延頸以望持千尋之建木想像瓌

姿周萬頃之澄波比量曠度載恩揣已授命依仁闕

謝路相公啓

薛薦

唐胡曾

某啓某輩戶庸人荷衣賤子道慙墨妙業媿筆精效
枚叟之文章雖憐七發感潘生之歲月已歎二毛失
路腸迴迷邦足別蟻棲培塿蛙伏潢洿自笑柴愚誰
憐參魯尚思逐鹿未分牽羊將趨渙汗之程詎學耶
鄆之步但以才非迥出性乏孤標雖勤測管之窺終
類正牆之視有心吐鳳無夢懷蛟不痊曹操之頭虛
刺蘇秦之股誠宜世棄敢望時來方嗟碌碌之生忽
忝爰爰之幸朽株委地末甘夫子之捐枯骨凝塵豈

料昭王之市遍身德澤滿目恩輝空止負嵩仍兼戴
華旣蒙蜀顧敢望秦留卽遂面走鹿頭背馳鶉首如
昇青昊似入玄都不知劔閣之艱豈覺刀州之遠伏
惟相公神資重器天縱偉才邦國金城朝廷玉燭文
高庾月詞峻謝山纔見紫髯便居黃閣陶鈞百辟啓
沃一人議平吳皓之時雖云推局報破秦堅之日不
廢園碁故能早執化權久司政柄今則暫辭龍闕來
鎮龜城將軍之細柳雖新丞相之鹽梅仍舊不煩壯
士自伏雄圖揚麾而氛侵晨銷按節而妖星夜落劉
焉原野昔爲累卵之鄉杜宇山河今作覆盆之地其
實慙孤陋叨沐招延鄭驛將窮燕臺漸近那能倚馬
妄竊攀龍仰天上之程途已親台席指人間之岐路
尚感客星披霧非遙拜塵在卽

謝曾右相啓

辟薦

宋王邁

起亞相於午橋行將入覲薦謏儒於寅陛轉以上聞
趣裝如其匆匆推轂胡爲而汲汲仰窺盛意俯激
愚忠竊以魏公用則所舉皆正直人司馬相則其徒
行經濟學或拔才於選調或引類於經筵蓋畫錦堂
嘯詠之時每詢才品而耆英會徜徉之際常訪人才
况當聖主之勵精方召大臣於閒散必也搜羅俊傑

使之馳驚事功如其者徒有苦心本無媚骨但見與世而杓鑿不為隨人之桔槔來吟首宿之盤正在棘槐之里豈無蚍蜉之援可以攀躋自顧麋鹿之群甘於恬退寧方為阜耻曲而侯不知何取於高明乃至垂情於寒峻茲蓋伏遇某官忠貫儀璘名在葵門盛年勇退不依偃月之堂晚節益香好在靈光之殿上有意北方之經理公豈宜西墅之夷猶江左有管夷吾何憂得於親見齊國用樂正子為政誠所喜聞方將錄夾袋以儲才乃先使錐囊之露穎其誓堅素守圖報洪知焉有文章得預元祐科名之列尚存氣節

要賡慶曆聖德之詩

謝丞相啓

再辟制幹入蜀

宋李

劉

遮日而走長安幾穿破履登天而攀蜀道忽得舊疆知坎北之無垠難趨趨而不進輒修贊見併吐謝衷伏念某骯髒亡竒睢盱有志一科不補墮身溝瀆之尋常萬物皆塵妾意簡編之尺寸繇頃年之從辟抵中道而遭艱跨海涉湖痛尤未定捫參歷井夢不敢尋故因祥除其就部闕適于西清之衆論許為東閣而一言遂令索米之人或動乞漿之興鬻璞而售乾璞誰適為容翹材以待大材汝非所及猶賴益州之

元德尚思吳下之阿蒙羅而致之兆足行矣幾葬魚腹固寧回孝子之車又過羊腸益合叱忠臣之馭竊聞殿西之顧頰及雲南之師要是四蜀之可憂殆非一端而遽止雖托重固在詩書之帥然拔尤宜得文武之才置諸鄒枚之間蓋有樛允之任豈應庸下可在選中茲蓋伏遇某官身佩安危功存開濟獨揮九日再為天地以立心八荒一雲復令山澤之通氣行政如彼其久樂不存焉當今舍我其誰聖之任也粵從更化專務調元三階既平元首有股肱之喜五胡方擾中國無疥癬之憂然欲折千里之衝是必開衆正之路得人朝廷得人幕下寧有重輕誠死城郭誠死封疆要加儲養如有所試俾勉此行某敢不體認一陶攀緣九折堪其事者謂之力藉莫酬相國之知遠而使之觀其忠詎敢作衆人之報

謝閣學葉尚書啓

舉自代

宋李廷忠

西清學士之建崇名出而分虎即墨大夫之無善譽許以續貂豈為特異之知卓有至公之舉竊聞存人所以自立代已亦宜相當此皆先儒之談足為今日之法侍從之間方將拔杞梓而收楛菡明聖之前豈容進篚甌而夸璵璠故限之以三日之期惟冀於得

一士而告苟非素窺其肝膽必不妄借以齒牙自虞
廷衆賢興遜睦之風故讓於契讓於夔讓於虎迨東
都大臣盡公清之節謂不如廣不如暢不如膺豈伊
簿書冗瑣之流亦在簪橐推揚之數如某者畜於賦
受強厥操修披卷莫窺姬孔之牖窓弄翰豈識曹劉
之畦徑自顧鐵心石腸難取媚於世詎肯捭貌蠟言
妄求售於朝從諸生游寂寞之濱教僅行於泮水率
吾農耕嶽峯之上政惟慕於魯山雖嘗被兩地之薦
論固已絕九霄之榮望竭來於此饑使之然三公縱
有知音人一生終費造化力儻非具眼疇克裏言茲
蓋伏遇某官冠冕儒流權衡國論佐天子相天下已
素存遠大之規摹開賢館延賢人欲共立光明之事
業扶持弱植洗濯幽埋媯閣崇班本以寵建旟之行
齊卿下品乃令充越俎之代初不緣介紹之助又非
徇故舊之私數語品題衆聽驚駭以粹淵之譽黼藻
陋學以雅贍之名宮商猥文謂試邑而著聲稱獲聞
撫字之術謂代臣而允公議安得論思之才念其久
孤於外官姑以借重於當路與之過分受者胡顏某
敢不勉策愚駑追攀良駿一眄增價忘其身之在塵
泥九殞酬恩誓此心之如河水

謝李參政啓 舉獻

宋李 劉

塵纓解縛方將發興於雲山宗袞垂褒欲使司存於
雨露喜固多於溢美耻乃在於過情其殆無私之私
豈容不德其德竊以士無賢不肖均欲希一世之知
德不孤有隣亦樂道諸人之善蓋近來仕進之徑實
罕由薦舉之門心肯命通底勞介紹言甘幣重自有
寅緣宗臣之秀士科本爲何事冢宰之計群吏不出
此途遂令牋天之章僅作畫地之餅然其所見與衆
則殊樂莫樂兮相知止願出大賢之門下得不得之
有命寧須商小利於楮中矧如不腆之蹤可謂所持
者狹識字有數學何有於多聞了事亦癡才豈周於
庶務質不足以望粹然之器文不足以窺作者之藩
宜諸公臺省之登庸任此士江湖之落莫繫誰欺於
裁鑒羌忽累於明揚方正乃賢良之科必名門而後
稱獻納蓋侍從之事豈俗吏之能爲况去國十三年
之餘閱人多矣今起家二千石之薦舉世觀焉不應
凡材猥玷異目伏遇某官清朝良弼名世真儒鍊色
石以補天親揮九日觸佞山而還里坐閱一星南尋
川路之風煙適值岡巒之烽火內嚴殄捕外示招懷
賊憚崇文之名若杵投四民誦西平之子惟我有臣

六代集卷四 卷十九
俊義宜在於旁招巧拙猥容於雜進有如庸下亦備
數中某敢不勉自激昂圖惟稱塞有吏才更世事愧
非臨川老子之倫絕當世追古人敢忘眉山端明之
薦

謝何樞密啓

薦舉

宋文天祥

范質傳衣魯侈和公之遇仲淹入館復蒙元獻之知
使諸公而與同升豈門生而不知報輒伸下悃庸叩
中樞伏念某石室孤寒青原落魄幼被家庭之訓頗
欲得其本心長讀聖賢之書初無補於當世從事一
硯起身諸生偶持觚翰於南宮獲遇鑑衡於北面鸞

鳳杞梓舉集權公之門欵段駑駘誤登伯樂之廐名
姓雖塵於函丈足迹未造於仞墻山斗之望彌久而
彌窮猷畝之蹤愈踈而愈隔閉門自守知尚口之乃
窮遜世無求惟觀頤而自養凡竊祿奉祠之日皆省
身念咎之時承明之廬未嘗意想寬閑之野遽拜寵
光胡爲乎來哉是有其故矣想水天之清峻望丹地
以凌兢顧非麒麟鸞鷟之英其如亥豕魯魚之謬深
有慙於負乘敢自已於循墻茲蓋恭遇某官名世鉅
公清朝良弼持樞贊化共調傳鼎之梅報國薦賢不
種狄門之李遂令公選亦及凡材某敢不勉企前修

恪持素節就中書而見座主將求一介之先容以進士而為名臣尚賴終身之保任

謝王右相啓

薦舉

宋李廷忠

三鱸地冷幸依通德之門一鶚天高誤入翹材之閣顧小器因人而後重而洪鈞與物以何私屈者見伸喜而知懼竊以一國之望四海所歸以尊崇鄉校為先以鑒拔人才為急後難居上遠不聞親此大臣公以持心故寒士悅於知己歷觀今昔之見遇率由貴賤之兩忘攜手以上者叔向取其片言徒步而過者定國與之鈞禮或小識坐間之異或大推跨下之奇

○○○○ 利以相求人豈有媒介之為助茲事久廢我公復興闕人於閒暇之中取士於庶退之域自非瓌穎曷稱品題如某者懦質自持寒根寡與三已而三無愠空驚憂廢之餘四問而四不知可笑庸虛之甚身飄飄而負愧時壘壘以過中既不能飾固陋之心以取容復未免折淒涼之腰而逐食第薄言依藻芹之水敢妄意登桃李之場客有薦雄文始置在十科之列生廼與噲伍猶未離七選之階塞上之馬屢得而屢亡夢中之蝶孰非而孰是蓋薄命于爾不偶豈化工於我獨慳辱在喬木之邦曲為小草之地陋

阿買之不識字亦許纏紅憐廣文之久到官僅能破
白出瀾翻之薦口起陸沈之滯蹤雖十夫不得以撓
椎信百金難比於重諾茲蓋伏遇某官棟梁王室冠
冕儒流思天下之溺天下之饑志在康濟蘊賢人之
德賢人之業已益謙虛方宸眷之至濃乃巖瞻之久
鬱退安家食坐軫國憂謝傅之卧東山將復爲蒼生
而起潞公之居洛水豈徒從耆老之遊激揚頽風訓
獎下輩要使群木皆歸匠石之圃百藥俱萃醫師之
門一朝膺宅揆之求四顧免乏材之歎遂令頑鈍亦
預褒升某敢不躬佩斯言力耕所學從茲生理有黃

閣老之可憑何以酬恩惟丹石心之不改

再謝王右相啓

薦舉○原
作樞使

宋李廷忠

束書千里遠投居魯之大臣褒袞一言猥及遊梁之
倦客恃特達知心之有素顧遲回埃命之何辭信是
洪鈞終無棄物竊以士類每難於遇合世情尤易於
變遷操瑟齊門至三年而不售藏丹楚壑驚半夜之
遽移服之無教者未有如武公緇衣之宜言之必踐
者又安得季布黃金之諾上靡存於定力下習成於
競風讎僞假真朋邪陷正惟王公四海其度量當天
地萬物之權衡生成皆蒲於初心予奪不牽於浮議

自非瑰異曷稱品題如某者胸臆亡奇頭顱已老短
綆難同於深汲徒見苦辛長裾不利於疾趨終成鈍
滯竭來半水俄歷二霜要聞編簡之香敢歎坐氈之
冷雖未免群小子便腹之嘲諷每獨荷諸要人交口
而薦揚良由有力者當前莫不隨聲而相和士固伸
於知己女見妬於入宮聚蚊成雷指玉爲石幸周公
之相急於見賢也豈臧氏之子能使遇不哉左右譽
言左右毀言雖累至公之聽春秋罪我春秋知我又
貽過實之褒事免壞成恩同生死茲蓋伏遇某官斯
文冠冕吾國棟梁以身爲天下之重輕其權係人材
之消長正諧韶濩勁沮金石德兼足以服人高居廟
堂遠處江湖志一存於報主將復爲蒼生而起猶不
忘白屋之求顯於門闈奚止十數人多其親舊何慚
八百吏惟塊坵之工甚大故浸潤之譖不行挈此孤
危脫之冗散某敢不益鞭下乘勉跂前修動雖得謗
而名亦隨正託飛馳之勢信不見疑而忠必報但存
皎潔之心

謝內閣薦舉啓

宋周必大

環九路以掄材豈無竒士紆數言而削牘乃及腐儒
衆以爲榮心惟有愧竊以知人之法自昔所難引類

之方於今尤弊羊質虎皮之莫辨篤才驥足之並馳
游揚多藉於先容囑託更資於奧援乃以有限之數
而應無窮之須三沐三薰求之固未易矣一與一否
舉者亦惟艱哉必將少振於頽風莫若力持於公論
我心匪鑿詎可形逃仁者樂山豈容力拔惟知此道
遑恤其它恭惟某官望重儒林勲高相府飾躬以有
用之學應務以不群之材自賦命以登車每盡誠而
推轂方處棘槐之位忽成桃李之陰孰謂膺門以容
噲伍伏念某志徒好古材不逮人小智自私絕望紆
朱之樂大方見笑其心尚白之嘲一涖芹宮兩徂芳

歲菊荒舊徑時夢於刀頭刀發新硎實慙於錐末比
緣天幸獲庇霜臺區區數月之間纔能免咎役役衆
人之後安所取知忽形論薦之言莫測夤緣之自雖
品題斯誤三復多慙然受授之公兩皆無歎某敢不
深思國士之報少答古人之風同薄命於史談敢嘆
周南之滯遇賞音於伯樂倘令冀北之空

歸之未能荷戴雖多恐圖報之無日激切之至敷述
奚彈

代謝周參政啓

改正
過名

宋王格齋

吹毛洗垢自憐墮在於冊書補剝息黥所恃尚存於
清議矧方當衆賢和朝之旦亦豈有一夫向隅之冤
懷哉厦屋之幘幪有此片言之感激伏念某時乖寡
與命薄數奇少也執經頗惟書之是信出而從仕政
坐此以成迂頃緣薦書出宰巖邑大本之薤難拔旁
觀皆竊危之新植之場易搖生意至是盡矣眷言鬼
蜮之毒率皆城社之餘彈以枉後之文無微不察溢

爲子虛之數謂天可欺知其切切於吏姦而反被之
以縱吏之名知其孜孜於民瘼而反加之以刻民之
罪簡書具在本末可稽儻謗讟未明將何以見魯衛
之士如毫髮有愧亦安敢效兒女之爭論鞠旣孚虛
實自見卒從昭雪一洗垢汙靖言其由端有攸自茲
蓋伏遇某官世所師表朝之羽儀人望攸歸久鬱具
瞻之望上心簡在果膺夾輔之除參贊鈞衡時亮天
緯爰念抗塵之職莫甚爲邑之難如得其情猶當爲
之勿喜欲加之罪其獨患於無辭矧在陶鈞坱圠之
中而軫替履棄遺之念詎令巧詆而不平反某敢不

勉策其愚益堅所守雖稽叔夜之廣陵散庸有不堪而段會宗之鴈門蹄庶幾可復過此以往莫知所裁

謝兩府啓 保全謫 通判 宋姚闕

書局備員僅逃於譴謫海濱貳政實賴於獎提脫去塵埃奔走之勞遂獲清閑風土之樂養親有裕處分亦宜伏念其學不知方才非適用嘗欲慕古人之節故窮達去就之粗明不能當世俗之心故毀譽是非之相半向緣一第偶竊小官區區於米鹽簿書之間無所增益於舊學碌碌於繩墨法制之下固已喪失其本心頃因天變之來妄以匆匆言之貢擊排所志徒

有愛君之善心忌諱不知殆匪謀身之良術幸賴上寬仁之厚明公保庇之全謂罪雖可戮而至亦無他言雖甚危而事或不妄特蠲深憲俾得自新出於莫大之恩獲此非常之幸引身自咎固絕望於當時竊祿苟安諒卜休之有日惟其沐浴於盛德之際歌詠於太平之中凡外物之儻來皆虛心而順受過此以往未知所裁

謝洪丞相啓 被論保全 謫方伯 宋陸游

薄技効官曾是青袍之朝士明恩起廢更為朱綬之山人雖莫與於鴻鈞猶竊陶於盛世敢修尺牘敬布



寸心伏念某承學孤生輟耕漫仕頃輸勞於鈇槩嘗
厠迹於紳綬再歲京華每有鳧少多之歎一時士
類或爲草木臭味之同因遭衆口之鑠金孰信淡交
之如水訖由寬貸得遂退藏幸未抵於投荒乃復汚
於除吏茲蓋伏遇某官應期降命同德格天以淵源
之學潤色皇猷以直大之氣折衝世變藝鼎方書於
偉績濤瀾忽起于畏途際嘉會之風雲將開平治界
凶人於豺虎亟止讒誣乃顧近藩暫勞卧護鋤耨競
勸流逋已見於四歸弦誦相聞風俗殆期于一變俯
念編氓之賤嘗居部吏之間假之餘光使不終廢而

某自安隱約久困沈絛和堯氏擊壤之歌徒欣末路
刻唐士齊天之頌尚俟他年

謝丞相啓

失事保
全降秩

宋劉克莊

代

禦戎弗績上孤東閣之知抗疏自言稍絀西清之職
恩歸造化愧溢心顏伏念某猥以薄材當茲重任知
主上兼愛南北寧忍開邊知廟堂不問甲兵專謀保
境我雖守信虜自敗盟首挫其淮右之鋒復斷彼山
東之臂暮歲於此疆場粗安豺狼無厭未飽其所欲
蜂蠆有毒已驅而復來睥睨六關虔劉兩郡蓋神人
之共憤豈臣子之敢安事許便宜固有已頒之隆旨

法當牽制詎容不出於偏師文移但戒以淺攻吏士
輒從而深入泗城敗撓淮左繹騷決千里之籌既無
勝筭責三軍之帥厥有常刑徒以寇尚在邊身方扞
塞念辭難之未可姑引咎以自歸上援街亭次稽好
水使伏歐刀之戮亦所甘心止裁簪橐之班寧非輕
典信以公朝之寬大深哉吾相之保全伏遇某官新
美治功秉持憲度謂賞罰軍國之紀必合至公然勝
負兵家之常無庸深咎况已自歸於司敗特為少屈
於刑章僅抑隆名尚叨舊寄某敢不堅凝初志懲艾
往愆建大將之鼓旗敢妨賢路和野人之歌頌終託
化鈞

謝丞相啓

江東賑濟無罪
可待聖知府

宋李 劉

巧語上聞方抗章而自列隆恩下逮况赦過以求誅
捧詔凌兢拊躬感惕某本慚通敏徒抱闊疎入侍軒
墀每見玉色憂民之切出乘使簿復觀璽書恤下之
頻誓竭駑材祇承德意屬江左並罹於旱暵而桐川
尤慘於凋殘蒙賑贍之特優懼奉行之弗稱夙宵一
念民饑奚啻於已饑經畫百為王事特同於家事所
冀推仁恩而均被靡皇顧文法以自營頃當原隰驅
馳之時備覩田野焦熬之實欲糴則人苦青秧之寡

欲濟則官無紅粟之儲抑立視其死歟既有負求芻
之托苟利專之可也又難逃矯制之刑與其失職以
偷安寧若殞身而任責勉效便宜之舉亟蒙報可之
音顧小臣敢越於拘攣見盛世素行於寬大是乃彰
朝廷之美何至於堂陛之嚴以王命而矧民艱本其
所職貪天功而為已力焉有此心正虞止棘之讒乃
出剖符之守精狀深藏而叵測有愧先知語言妄發
以不倫本無足辨荷意日照臨之赫免風波淪陷之
危伏遇某官以至公而秉化鏡二而培邦本謂
羣臣之善亦王之善齊人嘗有格言而衆職之功乃

相之功柳子誠為確論凡悉力以禪荒政乃盡忠以
報公朝肯命譖愬之得行酬致是非之易位特加全
護裨追譴訶某敢不仰佩私益堅素守

藉肝豈難隨其難不似風無沫益望素守

辨公障肯命蓄感之爵行心經具非之思立其心全

於之江林于結為朝命其恣代以聯蒸知八盡出以

代謝許相公被論保全

明陶望齡

恭惟相公閣下愷悌作人平康錫福手旋元化扶王

德深嚴肅穆之中力真皇輿主世道於樞杌助勦之

後范希文憂以天下殷保衡耻及一夫身繫安危聲

施華裔如某者夙荷栽培久甘淪廢進無足錄退有

餘譽末路棲遲猶挂鏢金之口哀魂震怯屢驚刻木

之詞矢日難明望天加踊迺蒙閣下矜其細過察其

流言片語春溫澤不遺於壞木至仁宏覆氣已回於

溺灰傳聽之餘感泣何已特以有罪姓名無顏竿牘

懼塵清覽遂阻下私匪敢效叔向之優遊同越石之

白絕也夫轍魚就槁猶希一顧之恩厨鴈見烹終抱
不鳴之恨故敢忘其詢辱布之於下執事伏惟台慈
崇鑒無任仄悚之至

代謝內閣

京察
保全

明趙秉忠

虞興考詢舜歌薰而喜起周官董正且若時以迂衡
會感風雲有比拔茅之彙明懸日月心輸品藻之倫
念王成之自天幸瓦全之有地恭惟相國龍淵捧日
文孫凝負宸之圖筮極承天堯母屬垂簾之問政先
名實泰階攝而六符平功之率歲勤相道得而萬國理
然且虛懷吐握禮重解

鐸廣宣罔遺扣角之韻

邕琴逃聽爰收焦尾之遺某五載爲郎已愧揚雲執
戟一麾出守敢云化雨隨車屬者大計五年豈有微
裨六典自甘章服之終褫豈期黜典之未加蓋叙類
積薪惟明王使功于過而材兼棄朽抑聖相取短於
長故使已汰之沙竟完未碎之璧虎蒙下駟策騰驥
以霜蹄鵠絳寒鷗教翥鸞于風角謹祇恩而就次爰
滌慮以宣詞

葉相公啓

保全

明諸葛昇

金甌早卜鴻名標奕於麟圖玉鼎參調駿惠渥濡於
鮒涸輪丹幹運赫有神工推赤宣仁冥唯真宰恩方

施於不報感至極而難名恭惟相公閣下學本帝師
才爲衆父斗杓獨運真如一柱之立承日轂親扶直
似五龍之飛夾恂恂若不勝人知苞舉之寬斷斷如
有容衆仰規模之大以故主國論如衡砥之平因而
愛人才無菅蒯之棄薪槲路闢共其職者皆有守而
有猷川藪量弘曠厥官者亦使愚而使過天之方賚
人所具瞻其質匪楚珩寶同燕石猥驅俗駕冒綴官
聯輒以淹滯末流寄此陵寢重地混竽越俎蚤負勉
竭於三年露肘捉襟臈技已窮於五易所恃二天席
恬苟容一日偷安頃緣修飭龍興因之仰干鴻製遽
承鼎呂載勒貞珉遂令法苑承華琳瑯布砥硤之采
貝宮翻葉琅玕增金石之輝舉以誇之人人榻焉傳
之世世鐫茲不朽劇戴自今不期園棘之區倏有竊
繯之釁不擾旣慚漢相來歸復謝王嘉分甘待非於
魚童幸獲矜愚於豸憲雨凌風震尚俾一枝三匝以
穩棲露覆淵涵更期百孔千瘡之補塞飲河之量盈
矣倚山之力鉅焉計今六合中無物不由洪造而何
萬間庇此身獨拜全麻敢不策蹇磨鉛息黥補劓誓
深圖贖儘拚踵頂之微痛定追呼不覺心魂之悸所
以齋心卜日矢志嚮風復扣洪鐘重桴靈鼓辭籠震

雀漫思環獻之區區出水隋蛇祗恨珠投之泛泛伏
願俯迴衡矚卒與甄成則誼埒生三敢詫國士之遇
榮逾吹萬能忘元老之知

謝宰相啓

保全

明盧岐嶷

竊惟卑職自沾微秩思竭愚衷但素抱朽鑠之資長
乏挈漚之智既速官謗遂隸刑書伏遇某官秉含一
之德贊元化而格天布吹萬之功普仁恩以遍物善
貸不遺於微小曲成并及乎彫枯憐其事出無心乃
更授之善地宥罪使過含垢錄瑕寒灰詎意復燃鉛
刀不圖丹割摩頂放踵皆荷殊私碎首糜軀未足上
報下情惓欵又欲自通相府尊嚴未敢造次謹冒昧
上陳伏乞台慈俯賜矧鑒

謝內閣徐相公啓

保全

明盧岐嶷

皇威一怒妖氛已靖於南陬廟筭萬全吉語遂聞於
北闕邊烽晝靜幸逢兩省之永安戍鼓宵恬奚啻百
年之無事橐雕弓而飲至盡椎髻以嚮風竊念某猥
以豎儒謬當巨寇變生倉卒方憂大衆之未齊事有
參差忽報偏師之失利長途隔越赴援何施信地孤
懸擅離不敢自分所坐難追深辜詎意矜憐特蒙寬
假茲蓋伏遇某官德澤覃敷善貸不遺於遐遠弛張

並用曲成俯及於凋枯諷論文武之協和倡率華夷
以豫附冀收功於使過爰提要而責成既垂在宥之
仁思竭捐生之報願効鉛刀於一割自慙樗櫟之奚
庸定計紆謀仰憑撫臺之指縱合攻奮擊親督驍騎
以摧鋒越境窮追裹糧深入枕戈介馬敢云戎旅之
未閑渡笮攀藤竊喜渠魁之斯得材官䟽捕盡消山
箐之黃巾鴈戶歸耕咸闢荆榛之綠野皆綠黃閣之
折衝素定以致殊方之寧謐有期者也職蒙赦過宥
罪不勝欣躍感銜

代謝嚴閣下啓

保全

明徐渭

委身當任始知時事之難袖手旁觀何怪人言之易
孰原銷骨自分捐骸仰賴相公上下調停始終愛惜
廷平參互既從披露之風宸斷精明果仗回天之力
枯林再苑涸轍重流且凡人有疾痛痒疴必求免于
天地父母然天地能覆載之而不能起于顛擠父母
欲保全之而未必如斯委曲伏惟兼德無可並名名
且不能報何為計惟知咎雖既往尚立巖墻事幸可
圖勉循末路誓將收桑榆之效以母貽桃李之羞一
雪此言庶酌雅志寸腸結戀盡一日而九迴中夜再
興望三台而百拜

謝閣下啓 保全

明徐渭代

言者再三勢宜投杆全之委曲報切銜環第以污曠之過深遂恐信疑之相半家置一喙誰與辨明寒禦重裘訓垂止謗某敢不恪遵前旨勉加自修用謝群嗤以明夙志深慙無技徒懷耿耿之衷仰荷有容敢忘休休之量

謝閣下啓 保全

明徐渭代

東南重鎮責任誠難海島遠臣孤危特甚重罹多口孰與明心疇知數載之交果慰二天之望方衆言之沸鼎出片語以噓枯一披雲霧復覩天日恩深圖報那論軀命之輕痛定追思不覺心魂之悸

代謝華亭相公啓 保全

明徐渭

伏念某動遭論斥自分棄捐荷聖主使過之仁采元老憐才之議深知劣質莫副名言所宜引身以待能者而初志未遂厚德罔酬俟當奮翼澠池終遂挂冠魏闕慙無末技可承秦誓之容惟向戎行再厲狄城之氣感恩思奮臨飯忘餐

代謝徐閣下啓 保全

明徐渭

驕夷窮迫不約而堅宿將遂巡竟辜所托雖每戰不無小捷而全功似賴巧逢相公鄉里非遙傳聞有素

咎其如此夫復何辭而言官構會過深身名俱玷不
有君相同德功過並稽則久已傾于衆言豈復待于
今日深惟提挈尚令執桴鼓于戎行勉自馳驅誓將
收桑榆之末效

代謝華亭相公啓 保全

明徐渭

伏念某叨秉節鉞才誠愧于專征兼副保釐德益慙
于分陝每當論列曲賜扶持至于三錫之新榮實賴
片言之借重靜思所自豈敢忘筌恭惟某官留意東
南縣情桑梓近者沿海之師屢捷而依山之寇猶逋
欲收全功未識何道敢因馳謝遂乞紆籌

謝閣下啓 保全

明徐渭

某賦性蹇拙值數奇窮致茲衆口之交攻馴至末年
而未已寄身虎吻曷足云危托跡龍門深恐貽玷相
公閱念舊土照察遐踪洞知事體之詳不若人言之
甚開悟明主特下德音幸俾遠臣尚供舊職屢傾屢
植譬諸草木之受陽春旣感旣慙竊比犬馬之圖酬
報

謝申相公啓 保全

明蘇濬

陽回寒谷忽蒙春煦之仁冶鑄洪鈞更荷瓦全之賜
蓋休休在上不求備於一人而訥訥無能得優容於

下職念盛時之不再，慮微臆而難名。恭惟某官質粹
函三，治貞得一。當元氣刻削之後，而煦以陽春。處國
是淆亂之秋，而屹如山嶽。無偏無黨，見伊呂於伯仲
之間。惟和惟修，識蕭曹於指麾之頃。然且虛而能受
惟知慮以下人，凡凡其容。汪汪其量，智落天地。時塵
吐哺之思，才調陰陽。不忘葑菲之采，念某拘虛靡効
豐蔀自藏，際熙朝禮樂之隆。歷循尺寸，覩中原文物
之盛。靡効毫絲，幸蒙華袞之光。頓增敝帚之價，拔孤
桐于爨下。免罹煨燼之憂，飾犧尊於溝中。幸借青黃
之色，身非木石。敢忘恩私，分越津涯。徒懸寤寐。

謝宰相啓

送書幣與子

明費宗

伏承公以好書嘉幣分貺，頑兒謹裁短奉謝者。兒于
紛紛愧皆豚犬，相公繹繹勞賜瓊瑤。架出艱書，蓋助
禮詩之訓。箱分衛錦，式昭祿禴之恩。其既對使，以登
嘉亟呼兒而拜，貺命勤膏。誦無徒爲充棟之資，戒謹
篋藏留以待稱躬而製庶不負孟軻氏斷機之教。亦
可承王荆國勤學之心，永矢弗諼。何以爲報，惟願鶴
齡愈健。麟夢速符一經，即紹乎韋門東帛有光於周
賚。佇覩青雲之器，用將玉案之酬。

卷二十一

器用許王察之

可承王洪因博學之... 鑿金對黼黻... 可承王洪因博學之... 鑿金對黼黻... 可承王洪因博學之... 鑿金對黼黻...

惟學非答

即費

啓雋近體卷二十

類函三十一

東吳俞安期羨長彙編

上饒王嗣經日常同輯

新都洪士英汝含訂定

宰相部十
謝加恩

代謝丞相啓內翰奉使加恩

宋趙南塘

因使受賞而援法以辭官為親祈榮而蒙恩於得請
雖大君曲徇其私欲亦上宰深嘉其悃誠夫何孤生
有此多幸伏念某故家小子下土遠人頃嘗結綬王
畿才得執戟郎衛去國七載還朝一年今遂翱翔青

卷二十一

雲以獻納雍容為事佩荷紫橐以出入嚴近為常非
公主張用之將誰提挈至此然身過寵每念及先豈
有冠三孤之官而尚綴六閣之職欲希稍進會未可
言近因銜命之歸例拜增秩之賜既朝廷方嚴遷格
是臣子所得控情因輒具於奏聞乃優蒙於詔許恭
惟某官寵亞台司昔司馬文公以書成特膺此授今
先人太史氏雖身歿仍荷是名匪敢將美於前修實
亦增榮於舊德顧為後嗣能不中藏茲蓋伏遇某官
世續戎公天降重任方此開四門以興庶孝詔八柄
以馭勞能謂某應對粗閑不宜忘犬馬之力察某僻

遜非偽蓋亦有豺獭之心故用開陳過為假借其得
不戒令名之易墜歎盛德之難遭使隴西士夫益有
稱於舊族則昌黎弟子庶不辱於師門

代謝史參政啓

邊功加恩

宋方岳

護師外闔五年無補於宵衣進職中臺一札俾司於
秋典又媿循墻之避聊申記室之恭伏念某猗無他
技徒有壯心久在兵間而父教之忠深忝西平之子
橫行虜中而歸無以報適勤非顧之憂夫何罔功誤
此僭賞茲蓋某官招俊又以列庶位同心德以興太
平當我公之歸今時事罄金鑾之論有為王而留者

人材參鼎鉉之調雖東陲微橫草之勞而南面念采
薇之戍端繇密啓曾靡遐遺然敎勤者國家之懋恩
惟盡忠者臣子之常節敢叨睠賚以辱已知其昨已
力控巽章冀收渙渥魯仲連天下士豈甘市道之爲
諸葛亮王佐材其樂成人之美有言欲吐因謝以祈

謝丞相啓

父有遺表加恩

宋劉克莊

書生薄命僅登持橐之班聖世深仁特厚掛冠之典
萃此哀榮於黃壤錄其孤露之白丁涕感路人恩歸
吾相竊謂孫叔不封何以旌廉吏之世成季無後寧
不沮善人之心痛念先君舊由冷族少日罕逢於一

飽中年備厭於百罹當邊瑣之初開預樞庭之未議
每曰加兵之危殆柰何當軸之排擠念旣墮於穽中
恐不終於牖下晚際真儒之柄用獨憐寒士之途窮
收之流落擯棄之餘寘之津要華近之選側聞廟論
或當推擇以守邊幸忝侍臣非不激昂而體國豈料
未愆之膂力遽成不起之膏肓淒其拖紳之言茫乎
結草之報而又無百金之儲貯有千指之號啼非公
朝曲軫於納溝則私室將從而轉壑慨然白榻籠以
垂車不但重泉加銘旌之官職併令二息續弓冶之
世家稍招巫陽之魂不餒若敖之鬼政雖九殞未答

萬分茲蓋伏遇某官偉量容人至公無我解瑟修祖
宗之故事橐弓活南北之生靈既就大功尚修群策
孤寒執贄未厭千人之多笑語滿堂不忍一夫之泣
追記西曹之舊掾嘗陪東閣之下賓雖志業之未伸
與論思之尚淺然物有蓋帷之賜以飾其終於人軫
簪履之情務從其厚肆頒卹典俯逮衰宗某敢不尋
許國之初心體卹孤之美意倘責以乘田委吏之職
或驅之亭障堡戍之間所願盡節以報君親不敢全
軀而顧妻子九原可作恨未酌國士之知一飽必償
安敢忘大臣之德

謝政府啓

平寇轉秩加恩

宋真德秀

銅竹分符實任九重之託萑苻撤警幸臻千里之安
追責已優叨榮爲懼伏念某材非敏健志切撫摩田
里熙熙粗喜鼓桴之息波濤洶洶忽聞舟楫之虞念
非逆折其萌芽將恐難圖於茲蔓協兵民而進討賴
將士之宣勤怙衆陸梁始猶出柙之兇望風披靡卒
爲游釜之魚迄憑藉於國威遂肅清於海服効非循
吏敢期漢璽之褒名在大夫俾陟唐階之峻退循非
據莫獲終辭茲蓋伏遇某官偉業濟時宏模復古可
以予可以無予姑從勵世之權簡厥修簡或不修密

卷二十一
贊馭臣之柄雖云驚怯敢昧激昂爵及罔功愧貽譏
於鵜翼心期報上誓輕死於鴻毛

謝閣下啓

加總督
司馬銜

明徐

渭

代胡
督府

某職叨連帥曾未聞諸鎮之同心事遇多難則又以
一身而獨任微軀何恤國事攸關終于隱忍而不言
將恐陵夷之無已粗陳大體僭引舊章誤辱廷評適
符宸鑒諒其心之任事不以人而廢言俞旨恭承華
階再轉且紀綱既定永爲節鎮之成規謀議惟精欽
服廟廊之偉識感恩有素圖報無能惟知竭力攘除
冀少裨于化理隨時策勵期無負於生成

謝閣下啓

加總制
司馬銜

明徐

渭

代胡
督府

伏念撫臣角立成制罔遵總鎮遙臨虛名徒擁惟平

居而抗禮遂臨事以坐觀二者相因百務俱廢置諸不較非不能獵寬大之名責在將來又何以逭因循之咎誤蒙宸鑒俯聽芻蕘更荷廷評不遺葑菲盡還連帥之實并加司馬之銜分守既明展施應易因之獎率倘收尺寸之功問所從來敢負丘山之德

謝嚴閣下啓

賜賚

明徐

渭

代胡督府

伏念旬月未周三承天賜餘生何幸萬感君恩遙知顧問之餘深賴曲成之力况于調元贊化以召禎祥運策决機而居帷幄功盖中宇門下賞奚及于軍中頃者深入蛟川橫探虎穴全身擔負尚冀保全其始終竭力攘除少裨化理于萬一

謝嚴閣下啓

賜賚

明徐

渭

代

恭惟某官耆舊望隆躬承帝眷絲綸寄重口代天言以知錫予之相仍皆賴贊襄而後决其為感激莫可名言然某自入夏以來刻期踵戰中夜而起數匝繞牀率裁報謝之詞恍覺敷陳之畧伏冀雅量閔其未遑

謝李相公啓

加恩

明徐

渭

代

伏念某叨秉節鉞才誠愧於專征兼付保釐德益慚於分陝每當論列曲賜扶持至如三錫之新榮實感

片言之借重靜思所自豈敢忘筌恭惟某官留意東
南縣情桑梓近者沿海之師屢捷而依山之寇猶逋
欲收全功未識何道敢因馳謝遂乞紆籌

謝華亭相公啓

河上成
加秩

明潘李駟

竊以化施崇而為蘭允藉玄功於橐籥合水土而成
象敢忘始事于范型睠茲濬築之工實匪人謀克竣
平成之績皆由神畫靡遺如其樗材仰承鴻獎職叨
治水乏塞瓠之嘉猷功匱宣房切負薪之深愧遵廟
堂之指授止惟奔走之弗辭賴察察之分猷未嘗專
輒以自效程能奏竣顧我何功增秩崇資允出踰涯

之望觀名思義恒懷冒賞之慙終始克成映恩華於
九地瑕瑜不掩荷覆庇於一天是誠我師翁勸賢作
人之盛心體公和衆之茂典也某身方瘁于伏藁心
莫展于銜環荷始終推惠之深仁感知何已念寤寐
求賢之至意欲副未能敬陳蕪札伏冀鑒存

謝相公啓

覃恩

明董應舉代劉
司成

竽牘上陳袞言下被寵踰其分榮施所生念某幼失
先人獨依老母舊書在篋傷鯉訓之早違斷杼警心
比熊丸而特苦幸從簪紱可發幽潛顧以慵病之軀
自棄林泉之下計資則未登一考報德則空有寸心

意終負於乾坤乃曲成於陶冶田間促起又及覃恩
泥檢新銜復邀特疏使不肖積曠之罪忽掩於一朝
二人明發之懷頓宣於九闔此非至仁錫類大德加
心安得借其於常局之外便其以人子之私君寵親
恩誰爲造就戴天履地並覺高深更想溫益之懷出
於撫諭之外任其及諸縉紳傳宣至意過辱知充若
推之國士之列若貯之夾袋之中得寵若驚莫知所
以夫特達相知厥惟臭味高明所照必紀等倫如某
迂愚無之踈懶既不能分憂當世仰佐下風又不能
勵志玄修俯儀末俗私心循省無一可稱默計讐最

皆有可督何以灑除積朽翻作深知將由篤念遺簪
曲爲采飾非常之感豈獨此生某敢不勉加鞭策痛
自濯磨報答恩私特有緒餘之訓庶幾夙夜毋傷知
人之明

謝相公啓

遇郵典○
摘錄自敘

明陶望齡

駑駘末品又叨鞭策之恩士草餘生更荷成全之德
寧惟澤加小子且也波及先人郵典寵頒晉錫輝煌
九地私言薦賚豐儀燦爛兩楹高厚齊恩幽明均戴
顧感藏之徒切悵蒲伏之無繇敬修蕪函用申芹悃
伏惟台照俯鑒愚忱

大封台祭... 黎惠刺

蕭灑... 之封... 以... 為... 之... 無... 猶... 如... 燕... 函... 甲... 其... 此... 味... 言... 漢... 容... 豐... 游... 樂... 陶... 兩... 盛... 高... 皇... 齊... 以... 幽... 即... 自... 漸... 漸... 精... 味... 小... 且... 此... 既... 又... 決... 入... 典... 籍... 既... 音... 驗... 辨... 登... 錄... 未... 品... 又... 以... 辨... 策... 之... 國... 士... 草... 籍... 主... 更... 荷... 功... 全... 之... 意

入之門

謝丞相啓

自... 賢... 辨... 答... 以... 公... 封... 百... 餘... 籍... 之... 臨... 無... 幾... 夙... 交... 且... 斯... 曲... 為... 采... 繪... 非... 帶... 之... 如... 豈... 爾... 此... 主... 其... 道... 不... 以... 以... 謝... 晉... 自... 可... 濟... 向... 以... 博... 列... 畫... 林... 隋... 刊... 彩... 映... 祥... 由... 會... 念... 貴... 眷

考滿謝

謝丞相啓

宋李 劉

千大播於一陶俾登畿幕積小成於三考獲進選階
頂踵歸塊土之功肝膽極輪囷之感敢因裁謝更敘
依歸伏念某材無踰人學未聞道半世寒牕之燈火
中年太學之壘鹽篆刻雕蟲覺兔毛之欲禿銜枚戰
蟻偶鷄口之先鳴遂采魯芹出燃楚竹未滿成瓜之
代忽纏家棘之悲隙駒之制易終林鳥之哺益切上
書光範初無蟠木之先容得闕長安乃辱采葑於下
體揭來半載何有寸勞夏屋督工麓逃曠敗春闈考

士獲厠使令及大庭聞魁三之傳則本房有簋貳之
數然雖有依紅之樂尚未霑破白之章七十偏親一
則以喜一則以懼斗升微祿時乎為養時乎為貧茫
然寸步之謀甚矣分陰之惜鼠肝蟲臂固難躁進以
妄圖馬渤牛溲或恐兼收而並蓄恭惟某官鼎彝家
學袞冕世臣撫五辰於泰階之平載萬物以坤元之
厚復文武之境已昭元老之壯猶歸鄆謹之田足見
真儒之已效然益旁招於後又欲令聚在於闕庭故
凡絲粟之材未始蒯管之棄尚念某元身無策叩首
自鳴桃李成蹊自合安不言之分樓臺近水誰能忘
先得之情

謝丞相啓 書考

宋李 劉

補上佐於黔嶺偶書下考貢空函於黃閣莫報實恩
偶暫攝於竹符尤倍希於樾蔭忘其喋喋布此惓惓
伏念某殖學疎蕪涉道短淺青泥盤足每思範我之
馳驅白雪滿頭寧復初心之邂逅進乏犬雞之效退
從鹿豕之遊辱坏冶之一陶俾翱翔於半刺犴犴為
徼雖非監榜鱗之州盤瓠見容偶免築鯨鯢之觀竹
齋藥竈不礙雲山芟製荷衣無邊風月適挈瓶之缺
守又越俎而代庖胡瞻爾庭人固疑其鷄突此非子

坐自亦愧於象環所祈新尹之疾驅庶遂陳人之退
屏明年今日固可歸三逕之荒凌雨震風尚合假萬
間之庇恭惟某官得聖之任爲帝者師衡統紘緹增
鼎鉉九九之重箕裘弓冶協泰階兩兩之符行由絕
席之尊徑陟維垣之峻人主職論一相具瞻槐面之
專太傅府有三才詎棄竹頭之細所祈全度非冀超
遷某敢不補拙以勤謹終如始深懲往轍躋分寸而
落千丈之強雖踵常塗視九十爲行百里之半其爲
歸倚罔旣敷宣

謝相公啓

撫臺考
滿給由

明趙秉忠

虞典考詢三載察璿衡而齊政禹揆率作百工執玉
帛以省成眷言紫紉之榮式表玄黃之度伏念某楚
璧遺瑕燕金汰礫業謝青箱之舊但道述癡門稀朱
轂之觀寧方羲坦棲遲歲月敘類積薪俯仰乾坤報
慚采菲寵叨蒼珮雙旌引梓署之儀賜侈彤弓六纛
參蘭臺之御駕西江以于邁依北極而斯遙螭陸雲
高尚見堯眉動采龍門風接尤回阮曉流青屬者資
累三年豈其治禪匹善天涯咫尺欽承玉藻之前日
曝尋常敷奏金華之側璧沈絲績方公餽之是虞圭

錫禹謨豈尸餐之敢望乃續鞶帶於三禡叨吉冕服
之七襄蓋明主永念識途而聖相留情求舊故使吳
鉤已折猶淬龍阿之劓韓策且頽尚驂驥足之乘恭
承其官覽周玄象精攝渾儀鳥集五雲瑞起青錢學
士馳分異色靈傳黃石帝師功率忠勤政先名實鼓
葛鑪之鑄冶躍兼收調牙軫之絃爨焦畢舉若某倚
臯衡于桑梓長門巷之椅桐誼比生三榮踰吹萬龍
泉流紫幸噓薛燭之精駿坂飛黃寧泛王良之駕謹
祗恩而就次爰滌慮以陳詞伏冀班輸罔棄乎鏤冰
齊相兼收於抱瑟忱通羊練咄亮殷函寧不効誼宜

心銜情刻骨望東箭以俱征忠惟報主許南金而自
重雅對知人

謝內閣啓

巡撫
給由

明趙秉忠

代

恭惟某官菁華蕤笈奎明騰石之期赤蓋芝輶台映
籠紗之秘三吳秀擷玉立畹蘭七始雅詞金聲嶰竹
秘綜玄圃展天經地緯之文符握泰階懋海潤星輝
之績勤禹揆之率作恩希解推參舜弼之承庸思燕
吐握故能品藻庶彙融結群材倏瞬神眸鄧林無寸
朽之色皞嗟淑氣陰崖皆點綴之華某董澤臃樗蕪
鄉散梗柏臺俛仰虛峩獬豸之冠棘寺推遷叨擁騶

虞之節徒以優游歲序品格依崔亮之常寧其積纍
年勞殿最入京房之課柳惠已期三黜蕭明宜舉一
麾然而聖主明目于垂旒念茲犬馬哲相留心于索
劍仍被鷓鴣蓋榜下龍頭幸廁攀鱗之後殿中鳳翼
久依造羽之前是以脩途尚策駟舊巷猶依幕燕
恩暄十日感覆二天謹束戈敬陳縷縷倘垂青盼
矢竭丹衷

謝蒲州相公啓

知縣
考蒲

明張應泰

元老秉台衡休休有度書生當吏事碌碌無奇不藉
誨言曷承矜式恭惟某官三晉人豪五臣相業台階
應象六符燁以常明玉鉉調元一氣和而靡弋惟四
門之昔啓濫與彈冠何百里之非才謬俾製錦念德
音常期以達到即蟠木已得于先容績考三年恩非
一日信以人事君之義所謂大臣非視民如子之仁
敢云循吏卓彼先覺慚無學步之能範我馳驅尚有
迷途之懼更覲切末光于韓斗不棄幽遐霑餘潤于
傳霖曲全樗朽望光并迹拜首馳神

考蒲摘聯

三年書考莫補民艱萬里給由遠瞻鈞座 日開魏
闕子牟之念空懸路阻燕臺郭隗之誠徒積 海隅

剖竹縮漢綬者四年天府程庸媿虞廷之二載緣羈
守土莫展興居黃閣倚雲邊樞趨倍切丹心懸日下
仰戴何私 三載程庸下下之書莫追四溟含茹休
休之度斯弘

之卷天涯芳草喜遊子之初還闕下紅雲覺仙班之
漸隔爰從祖道憶在師門千載遭逢十年教訓其在
門人之内獨蒙國士之知至於頻行足際之談具悉
出各在

不迷賴有指南之誨將永垂於琬琰媿難於
瓊瑤惟天上夔龍永師師而共濟俾堂中燕雀得始
始以相安方同薄海之民共仰格天之業

啓雋類函卷二十

十五

門人沈相公啓
謝沈相公啓
得請
終養
明陶望齡

謝終養得請

謝沈相公啓

明陶望齡

菽水舊歡幸遂介山之隱金緋新命榮分萊子之衣
仰大道之曲成天全社稷惟至仁能錫類春滿堂護
竊念某稟氣不豐賦材不薄筋驚肉緩年四十而蚤
衰少情長迂抱三休而宜止徒藉粉榆之蔭尚蒙封
非之收而情繫春暉懼深日久念絕裾而安忍爰拜
疏以陳情雖申來諭之誠竊有簡書之畏恭惟其官
心參玄化德重黃扉幃載何私形物無居之雅量埏
陶多術與人爲善之公心俯憐憊憊之微軀曲諒經

啓雋類函卷二十

十四

經之小信木材既朽終無取於尋常絲緒已焚聊用
安其方寸而猶假之名器寵以儀章雖逃就列之譏
尤切災身之懼蓋君子之愛人也以德而至恩之成
我也如生凡飯䟽沒齒之年皆佩德銘心之日敬因
還役肅致燕函伏冀鑒涵曷勝瞻跂

謝王荆石相公啓

終養得請

明馮琦

祇奉王程言旋子舍當潘服投簪之日遂家庭舞彩
之歡解組懸車未及馮唐之老賜金給驛偶同䟽傳
之歸展烏鳥于庭闈儼驂駢於道路父母倚闥而見
望鄉隣策杖以來觀若非藉東壁之光何以遂南陔

之賜自匪載驅於四牡何由一發而五紕毫髮不假
之他門頂踵皆歸於化冶有言雖淺進謝敢稽伏念
某才乏線長力尤綿薄十年太學身嘗百甕之壅一
第集英袍已半霜之葉昨終素鞵重累洪鈞泛綠依
紅猥使近長安之日草玄尚白誰肯牋闡闔之風始
焉一鸚之飛繼以乘鴈之集丹而衰三而竭孰與點
晴二之下四之中正須合穎况當百里九十之半更
覺分寸千丈之強忽蒙雷電下取之勞遂有埃風上
征之路何物不由於洪造此身獨拜於全功茲蓋伏
遇某官八柱世臣三槐家學方當鯉趨過庭之際已

傳虎拜稽首之心更化十六年無匹夫不被其澤闢
國數千里復寧王有指之疆益閔翁受之規丕廣旁
招之意里仁為美似憐桑梓之偶同能舉其官特取
蘋蘩之可薦感一力挈提之厚增寸心銘鏤之私某
敢不勉自激昂圖惟報稱雞犬舐鼎難更干點化之
功鼯鼠飲河當自詭承流之效感藏不盡敷述奚殫

謝致仕得請

嶽祠附

謝兩府啓

致仕得請

宋歐陽脩

獲解郡章許歸田畝荷聖君之念舊越常典以推恩
內自省躬惟知感涕伏念某猥以一介之賤幸會千
載之期學業素荒早接俊遊之末謀謨無取晚陪國
論之餘迄無報效之或聞徒蹈危機之可畏年齡遲
暮疾病侵攻乃以難強之筋骸坐尸踰分之榮祿自
陳懇悃頗歷歲時猶蒙上之哀憐久乃賜其俞可奉
身而去悵負國之已多受寵至優但捫心而自愧伏
遇某官權衡萬物左右三朝思輔治於和平務敦行

於仁厚不遺故舊期革俗於偷風過借寵光俾民知於愛老致滋渙渥併及衰殘已甘屏於明時惟永藏於大賜

謝宰執啓

轉少傅致仕得請

宋張綱

引年遂請已荷曲成增秩示恩益彰洪施衰悰易感厚德難名欽惟國家度越載籍粵從選調爰暨大僚皆於休致之時被以陞遷之渥既昭邦典仍篤士風如某者初無一日之長幸際四朝之盛涼涼踴踴常恐蹈於鄉原曖曖姝姝敢日安於私說宛其老矣身不歸哉人譏九棘之龐眉心慚四明之狂客奏章上

徹俞直上頒冠掛都門岸角市於東路車蓋晏晏徒步於南園永全康脫之生實出夔龍之造茲蓋恭遇某官股肱任重甄治功高推冕旒優老之仁為簪笏抽身之勸是令朽邁不失光榮勇退急流雖前修之或愧倒行暮日庶後悔之能逃銘佩在中數陳奚究

謝丞相啓

代李制機嶽祠得請

宋李劉

幕府效愚猥蒙重劾公朝宥過特畀真祠感無地以寄言德如天而難論伏念某才固無似命亦不猶門戶百年難問庭前之雀科名二紀真同竿上之魚幸

且安百里之子男許使作諸侯之賓客既叨替畫安
敢隱情堂上之兵未可屈人於不戰幕中之辯真乃
以我而為傾怒因水蟹之移殃竟池魚之及言如綸
綽固宜乍佞以乍賢法猶權衡寧免則筆而則削奪
其兩秩倏以暮年適逢肆眚之恩輒動問鈞之請賜
之大知之至前感已多閱其窮察其愚茲恩已厚過
蒙復玷特賜祝釐疾雷震霆於物無存全之理祥風
甘雨乃今有覆露之功恭惟其官社稷世臣鼎彝家
學以一二日萬幾之無曠乃十五年獨力而有餘得
伊尹以格皇天亦既得三襲之寶玉問鄧禹而拔輿

地行將膺萬國之貢珍諒欲四海之會同益思九德
之咸事矧惟孤迹夙累一陶茲加收拭之仁殊有發
生之漸某敢不銘心圖報沒齒銜恩桃李盡在公門
豈終使一株之慘淡葑菲無以下體尚希發寸草之
華滋

上何克勤
代且而視太平
安處誰敢言
懼備承新之憂
上何克勤
代且而視太平
安處誰敢言
懼備承新之憂

臣安百里之子男許使作諸侯之宿客既以
 取應情堂上之兵未可歸入於不救器中之
 以我而為傾怒因小變之移歎竟迎而之及言
 浮固宜乍使以乍醫法儲惟而寧免明美而
 其兩決候以林平適逢肆宵之風動問均之請
 華茲
 豈奈其一林之烈災謹非無以不謝向帝
 主之德其難不淫以圖辨致齒齒恩淵幸
 之九律以謝所成風果一向茲以林為之二
 世之休訓萬國之貢廷藉裕四載之會同益思

謝告病不允

謝三相公啓

告病不允 復出視事

明黃鳳翔

方今主德清明朝綱振飭系沐虔禱弘濟涸轍之生
 牖戶綢繆預軫履隍之慮邊疆凱捷由內順則外威
 世路康莊蓋小蕪而大法士紳快覩海寓騰歡咸謂
 上有堯舜之君實由下有臯夔之佐即逃居巖穴尚
 拭目而覩太平矧邇列簪纓尤傾心以濡德化無恒
 安處誰敢言私某謬以菲才叨膺胄教深惟債轅之
 懼適構采薪之憂留都清議最嚴寧容素飽國學典
 司特重詎任優閒用是請告闕庭願獲養疴林壑事

非得已情切戀懷伏蒙授意銓曹霈恩綸閣特原曠
燦之罪俾安靜攝之圖兼報瑤函過厯温諭凡此殊
常之大德皆非薄劣所宜承雖鈎刀一割之能靡報
効于既往卽駑馬十駕之力敢永棄于將來矢竭捐
糜仰思補報盖自奉旨以後迄于供職之時偃卧荒
居復幾閱月黽勉師席已逼初秋觀聽環橋終覩顏
而申報支離受粟縱攘臂以何為匪仰藉于陶鎔終
莫逝于輿議

謝撰文

謝林下高參政啓撰序

宋鄭厚

春秋隻字之褒榮甚文繡月露一篇之謝愧匪瓊瑤
牛角之歌甫成鳳珠之吐隨下竊以仲尼辭擬相於
魯而正六籍孟子避當路於齊而著七篇故有文學
難擬答問之流本乎道合彼挾權謀堅白之輩徒以
利言皆因其時各言所志而某者老而好學無所取
材匠石睨而不收擁腫拳曲而莫適於用王良過而
弗問拘攣跌宕無效於馳然而醜婦自色盡洗朱鈇
畫工無竒不作魑魅固異不鳴而立仗仰耻素餐而

伏鹽終日埋頭簿書期會之中此心無味翰墨游戲
之樂尚記少時之狂簡未離古樸之胚暉誰啓蒨蒙
遽叨印可茲蓋恭遇某官辭榮卿相尋侶江湖對藥
階面槐庭只作紫宸之清夢燠茅簷涼竹簟要同綠
野之高風盡繙平生已讀之書不厭吾黨能言之類
遂令乘傳亦獲登堂歡然有恩贈之以語序以廢瀛
溪之賦深荷砭愚酒欲載子雲之居尚期問字一枕
銘刻十襲珍藏

謝史丞相啓

得文

宋李 劉代

補京兆之掾曾微贊畫之長交公車之章茲拜成終

謝撰墓文

謝王相公啓

撰誌

明馮 琦

政秉國鈞四海仰如弦之直文徵家乘一言增若袞
之華寵賁先人榮施來裔恭惟某官靈鍾昴宿道衍
河汾啓沃講帷夙著揆天之藻燮調綸閣式隆熙帝
之猷上忠久簡于宸樞大業獨先于國本片語有回
天之力滿朝歸夾日之功傳信傳疑廿載執螭頭之
筆成交成象一時宗牛耳之盟何意寒微敢邀製作
念丘封之久翳悲松檟之成行身雖羈于使軺夢日
馳於親壠乃厯鼎呂之重賜以琬琰之章黃金可銷

知斯文之不朽白骨未肉沾餘潤以猶生蓋聞有言
必酬無德不報故士之伸於知己即身亦可以許人
惟有紀載傳世之文出於知遇感恩之外德厚並施
於父母稱塞難罄於子孫得之若驚感深欲涕望三
台而頓首奏尺牘以宣心百世有徵惠已逾於拱璧
九原可作報豈忘於銜環

謝王荆石相公啓

撰誌

明于慎行

幸塵館署久辱門墻輒陳追遠之誠上瀆闡幽之筆
望雖累歲使僅一通詎期華袞之褒果及布衣之賤
拜名篇而屑涕鍥貞石以銘心恭惟某官學者泰山

國之正氣撫五辰而凝績謂安社稷者臣循四序以
韜功欲後天下而樂玄亭清靜猶容問字之賓綠野
優游不廢立言之業周情孔思粹然法出於六經帝
典皇墳凜若芒寒於五緯盖一字比瓊瑤之重况特
書垂金石之章不幸羅雀之門亦襲睡龍之寶何言
可謝無地以酬昔中郎之表林宗固因民望若吏部
之銘貞曜亦爲朋從豈如故老之側微特荷元公之
品目雲漢映荒山而渙彩日星麗腐草以生輝遂使
承鯛拾穗之幽蹤列在漆園之簡擊筑鼓刀之細行
勒成石室之藏微言獲附于青雲渥澤已淪於白骨

遺謨欲墜敢云先祖之是皇世德可求豈獨小人之
受賜諒三生之有幸期九死以難忘敢修雙鯉之函
聊展七襄之報

回答

回陳丞相啓

答謝除少保

宋周必大

廷揚制麻位進孤棘既表弼諧之舊德亦酬鎮撫之
新功上眷加隆輿情交慶恭惟某官學充天性忠締
主知粹然道德之容足消鄙薄藉甚廟朝之望坐鎮
華夷釋相印者十年剖藩符於兩鎮保衡之拜聖意
可知台衮之歸人心共徯故先以右遷之寵即繼之
左揆之除某父荷殊憐欣聞異數雖敬伸於慶禮曾
未達於公函茲屈尊崇過形謙抑三復策深於悚怵
片言莫寫於勤誠

回王參政啓

宋

光被上恩寵參國論明緝敷告庶位交欣歷選迂衡之君疇咨當軸之輔尚允違之敢弼則曰汝無後言欲譽問之能宣則曰子有疏附厥懷協濟乃稱具瞻當盛德之日躋攬衆材而時舉懋膺休顯允屬耆明恭惟其官秉哲在躬推仁及物告嘉謀于後學皆會于本原揚乎號于庭辭必稽于典要以陳善閉邪之賴應贊元經體之求重念羈單最稱眷舊宰絲一府久承論議之餘持橐三朝常出踐更之後復叨榮於並命茲竊竊幸以爲僚曲荷至懷先詒重問方勵同寅之志敢忘胥顧之勤

回福州梁丞相啓

宋周必大

黃閣上台將宣庭渙紫宸秘職先下璽褒是宜薄海之交歡豈特高閣之咸喜恭惟其官事業萬夫之望文章多士之宗以光明俊偉之資濟溫厚洪深之德事君以道如古大臣夢帝賚予爲時良劑久贊宵衣之化暫從書繡之遊威惠幹方兵民按堵鳩鳴雀乳田疇盡洗於棘茨海宿山行候館何憂於盜賊繫治聲之籍甚在寵渥以宜然裴度來朝方益彰於勲德次公復相豈或減於功名其嘗布慶儀未修公禮茲

遠勤於大貺第增愧於懦衷暑令方中燕堂多暇冀
謹寢饗之節永垂夷夏之休

回陳侍郎賀啓除參政

宋周必大

綴前疑之列未著新功策太史之勲乃甄舊績周章
拜命俯仰懷慙恭惟某官禁路老成儒林先進文推
巧手顧縮於袖間名冠善人宜優於天下不鄙疎庸
之品每存獎與之心逮此叨踰借之褒飾正辭直筆
慙無補於汗青俊語名章幸獲窺於尺素其為感刻
豈易名言

回在外侍從賀除參政

宋周必大

六曹率屬方恪守於官箴兩社通班乃與聞於國論
靜言忝冒厥有由來恭惟某官德業高明詞章偉麗
赫奕禁塗之俊望中和藩服之政聲經國遠猷蓋屢
形於奏牘進賢雅志亦密道於宸衷是使非才獲陪
共政某尚稽往記先辱飛緘佩謙施之滋隆激感悰
而無斃

回外路賀啓除知院

宋周必大

督綱條于外已叨承轄之聯參籌畫于中更忝樞機
之任惟聖主宵衣之際豈庸夫高枕之時必能無文
武之資乃可重東西之府寧容腹背之翫輒豫股肱

之良揣分無堪拜恩有覲伏惟某官儒林領袖禁路
羽儀典治民藩專布愛民之政揄揚善類用為報國
之忠遂使陳人洵承新渥某方期廷謝即注郵籤辱
大貺之先臨愧小才之不敏其為感荷罔既敷陳

回兩府賀啓

除參政

宋周必大

叨承命綽擢與政機用過其材感深以懼方今聖主
之在御獨奮乾剛而有為所以任承弼之臣必將責
事功之實顧如某者何以當仁念才術之空踈矧年
齡之遲暮桂冠得謝久絕望於恩榮乘傳趣還復叨
官於禁從未閱周歲遽陟近司懇辭莫遂於循墻危
懼有同於據疾伏惟某官急賢人之引類明上臣之
事君借以褒揚致茲忝冒謙詞俯逮既曲荷於推前
重任難勝更願聞於善後

不備此治以... 之忠遂使陳入海... 大祝之先臨愧小才之不敏其為感荷固既數陳

臣兩府貨啓

宋周必大

重封黻黼更醜聞茲善新

事昔昔以寮尉廷茲忝員滿請制出類曲荷外並前
對育同然熱燕火對其官忌贊入之代釀即土臣之

答賀拜相

答史太傅賀拜相啓

宋周必大

冒處機廷久矣空餐之愧延登鼎路雜然伴食之譏
知印累旬汗顏數四竊念某奮身孤遠逢運休明一
時清要之官叨塵殆徧二府弼諧之地忝冒居多本
圖退伏於民廬何意誤尸於宰事方其壯歲尚陳力
之無堪矧此衰年豈代工之有補雖荷聖知之厚其
如賢路之妨茲蓋伏遇某官澤被生民勲藏盟府師
維尚父爵齒俱隆壽畀僖公熾昌未艾報國每肩於
忠槩推賢尤出於誠心將鉞求人如蕭何之知韓信

相才在下如仁傑之薦柬之是使迂愚亦蒙選任曾
占詞之未果辱疏問之相先感悚交深喻言奚究

回賀拜左相啓

宋周必大

漢庭右地久矣躡居天道左旋茲焉序進內循忝冒
祗益兢兢伏念某材無他長愚乃自信昨結登畿之
綬獨蒙傾蓋之歡慰藉揄揚殆非一日疑丞輔弼遂
閱十年在斥免以當然乃超踰之滋甚覩顏外著感
臆中深此蓋伏遇某官學號儒宗望推邦棟柱房事
業已兼謀斷之長文呂聲名方趣平章之召延英既
啓尚父何疑某過沐撫謙特貽華翰懇懇莫輝於心
畫拳拳姑俟於面陳氣序暄和征塗暇豫願謹衛生
之節來承注意之隆

回賀拜相啓

明王家屏

某樸樵冗材斗筲小器猥當緣於厚遇忝供奉于清
 班徒更出入之勤靡見短長之效蝸涎易涸漸覺中
 乾駑力將窮寧堪遠駕負且乘于銓省正此凌兢引
 而置之綸扉其如震惕况值多賢之際自有巖瞻豈
 茲不肖之身可當岳薦拔泰茅而竝進媿彼連茹受
 鼎實以參調虞將覆餗所賴憲邦宿望名世魁人示
 我周行偕之大道乃辱袞章過飾珍貺隆施誼重同
 升情深不寐睠惟提挈之雅曷勝感佩之衷肅附謝
 言并蘄箴誨式厯瞻佇不盡敷宣

回謝張師賀拜相啓

明王家屏

某塞下鄙生淺中弱植材同樸櫟之冗學無根柢之
深收在門牆儲之館署因得出入周衛充筆橐之班
供奉燕閒奏呻佔之技積以歲月漸疏瀹乎宸聰泐
厥淵源本習聞於師說用僥非常之遇屢叨不次之
遷眡東省之籩罍司存是媿佐中銓之衡鏡躡冒彌
驚矧是綸扉實關政本調羹補袞同寅自有三公伴
食署銜分案何須一介柴愚參魯師辟由嘒元非從
政之才夏時殷輅周冕虞韶敢叩為邦之畧老師為
吾道慶喜曷翅于彈冠門生以天意占會且聆夫振

鐸遠塵鼎翰沾沾情見乎詞兼損篚頌種種與傷其
惠肅茲登謝不盡敷宣惟冀示我周行俾不迷於進
止庶幾借之大道永有賴於裁成

回謝張師賀拜相啓

明王家屏

下論生茂中影相材同樸散之元學無根感之
收在門墮儲之鉅器因得出入周衛充筆案之班
奉勅開奏時仙之杖積以歲月漸疏瀚乎宸聰
淵源本習聞於師說用僥非常之遇屢叨不次之
賜東省之選曷可存是媿佐中銓之銜鏡臨丹浦
是論優賞關政本謝美補察同實自有三公位
五鼎幾曾之入並承旨醜效殊如
惠爾茲登楫不盡深宜卦冀示莊周言軒不殺效
豈表聖出神故古昔良平固無負道與軒與

答謝

答史太保謝致仕啓

宋周必大

共審疊貢封章懇還官政升上公之秩序荒全魏之
土田在耆儒則敦止足之風於聖主則極褒崇之禮
典冊既下簡編有光恭惟某官造道淵深宅心廣大
見之著述者多而益辨施之事為者久而益新兩持
一相之權歷踐三孤之貴視物猶已愛增泯然毋我
負人忠恕多矣是宜壽考康寧而天不靳功名終始
而人不疑逮辭寵利以弗居愈覺身名之俱泰召公
為保雖厥位之已同尚父維師顧其年之未至况舊

勤於分陝恐終佐於代商某早託甄陶喜揚綸綽非
敢緩屢成之賀謂當循廷謝之規今視宸章果符輿
望惟是先施之辱寧無倒置之慙迎拜匪遙欣愉更
切

回陳丞相謝致仕啓

宋周必大

伏承連章請老優詔閔勞執皮帛於新班位隆亞傳
易茅封于舊鎮地統故鄉仍秘殿之大名極宗工之
異數摺紳創見夷夏樂聞恭惟某官德博而裕才器
闕而冲用以奧學高文冠多士以忠言直節居大僚
爲善未嘗近名而聲譽之歸不可遏事君未嘗枉道

而爵祿之至不可辭周旋鈞樞弼亮神聖謀斷兼乎
房杜都俞踵乎臯夔粵去廟堂屢臨藩屏力方剛而
抗疏欲追六一之高風年甫及而掛冠迄遂祁公之
雅志優游里第涵泳天真二疏賓客之相娛萬石子
孫之甚謹謙備六爻之吉悔吝不生壽居五福之先
康疆未艾在前輩或難於盡善惟哲人獨享其全功
然而尚父之佐武王潞公之師元佑皆來歸於既老
豈得謝之可拘公固無心上猶有望某敬懷知己喜
聽傳家顧瞻驥以未能思執鞭而甚切仰勤榮問徒
激懦衷寒律方凝燕超多助冀益調於鼎食永不聳

於民瞻

回曾侍中啓

宋曾 鞏

右鞏伏念自遠門闌存更時序顧茲艱拙利在退藏
雖有心誠響往之勤而無書記候問之禮敢期眷與
特賜誨存獲承黼藻之褒彌見松筠之操其為感激
但切銘藏屬凝沍之在辰惟燕閒之均福伏以其官
素推仁傑蚤代天工意誠心正而家齊已儀刑於王
室功成名遂而身退遂表則於士倫聊曼衍以窮年
坐優游而進道矧臧孫之有後繼周公之拜前阿衡
之格下天書載君臣之德司徒之善其職詩稱父子

之功方賴壯猷陰禪至治更冀上為邦國善保寢興
禱頌之誠不勝懇悃

